



436  
1134/1

0 1cm 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30

deli 得力集团有限公司  
基字02260122号 No.6230



雷  
石  
齋  
集

161003





161002



10101













留硯堂詩集

樞五署





道  
之  
E  
少年新鐫

雷  
石  
硯  
堂  
詠  
集



哈  
甜  
橋



自見全集  
像

張旭之生平。州書院之先生。  
之生平。誦歌。歆之。觀其詩。生  
平可知。觀其貌。其誦可知。天  
蓋生也。以昌其誦。

丙寅中燠

金壇侍于振



敘

滇地僻在黔蜀西粵之外。去京師萬里。惟正之供。歲不過四十萬。而土脈墳衍。山川綺錯。實爲西南之奧區。神臯其英靈秀傑之氣。厚積而勃發。點蒼之石。麗江之金。犀之角。象之齒。飛松之實。杜鵑五色之花。產乎其地。而能爲良。而文人才士。往往震興其間。視鄰省特盛。吐詞爾雅。出言有章。其風氣然也。臨安爲滇之名郡。絃誦之聲。比戶不絕。而石屏其尤也。館丈石屏。張月槎先生。少知名於滇。旣而成進士。選入翰林。赫然而聲。暇日。手所作詩一編。問敘於余。余得縱觀。因嘆曰。西南之奧區。神臯英靈秀傑之氣。厚積而勃發者。其在斯乎。其在斯乎。昔書之言曰。詩言志。杜少陵則云。陶冶性情在底物。新詩改罷自長吟。苟志之

不自強堂集卷一  
不立性靈之不存。詩於平何有。顧古來之工詩者。又不准其志。與性靈而已。必聞見足以相充拓。學問足以相發皇。而後矢之於口。書之於筆。浩乎其不可禦也。金石之精者。必磨之鍊之。而後呈其奇。齒角之珍者。必雕之琢之。而後適於用。花木之殊異者。必封殖之灌溉之。而後春華秋實。隨所取而各臻其極。詩之爲道。亦猶是而已。月槎以過人之才。嗜此道而不厭。研精覃思。浸淫於古人。豈止雄長鄉國而已耶。予曩以試事承乏入滇。滇之士大夫。不鄙遺予。而以爲可教也。故因敘月槎之詩。而原其土地之勝。物產之美。人才之盛。以誌予樂道人善之意。并以示滇之學者。使知所淬勵云。

康熙丙申二月朔日

雲間同學弟周夔撰

康熙丙申二月朔日

雲間同學弟周彝撰

序

滇南詩學。明楊文襄公。張愈光先生。尤著。文襄提舉陝西學。揚  
擢省試士。曰。今歲無李子。則張子第一矣。旣而崆峒先生果發  
解。其精鑑若此。則其詩之工。有以也。愈光發解。陸文裕公爲記  
月塢曰。吾子求道於六籍。修詞於兩都。誠古矣。抑今置館閣。設  
論思。所以華國而經世者。非俗學之所用也。愈光瞿然而訖。不  
以不第故貶技。故滇南詩人。終明之世。克與秦豫齊吳旗鼓相  
當者。未有高於愈光者也。吾師石屏張公。少而工經義。尤精詣  
於詩。洎入秘禁。列侍從。長篇簡什。春容肆應。凡得二千餘首。比  
上詔試詞臣。以民事僉謂成周故壤。非公不可。乃銓注知分陝  
郡。其才猷懋著。且將度越文襄。而詩律之工。抑豈愈光之所幾。

及哉。獻歲始和。授畱硯堂詩集於大文。曰。盍一言。請卽以硯喻之。昔崔鷗銘古硯曰。知其白。守其黑。似老學不厭。教不倦。似孔唐庚序古硯銘曰。硯之壽。以世計。又曰。以靜爲用。夫公詩律之尤工也。則用志不分。厭倦胥泯。而專篤守靜之效也。滇南山水衍秀。其發而爲人物。多蘊古風。而公尤靜以粹。是故用以精鑑。則上嗣文襄。用以求道。修詞則華國經世。胥大遠於俗學。而其詞克宗渾噩之章者。其政亦克底淳悶之化。詩小序曰。諸侯之風。先王之所以教。故繫之。召公劉夢得送東都畱守詩曰。春風處處有甘棠。然則畱硯之賦。夫固上源於國風。而採諸輶軒。被諸樂府。其才與時道與法胥非文襄公愈光先生之所得。幾及抑非滇南之所得私也。今者雙旌徐引。清伊廣洛。鏗鏘鼓舞。洋

抑非滇南之所得私也。今者雙旌徐引，清伊廣洛，鏗鏘鼓舞，洋

道

音由寬  
緩也

洋盈耳。所謂一國之風，繫一人之本者，吾知公迨然而賦，且自  
此彌遠矣。雍正甲辰春，宜興受業儲大文，書於金提坐。



序

問○君○子○之○富○貲○於○不○貲○計○於○無○算○保○於○益○完○而○獨○以○長○久○一○夫○  
之○田○中○家○之○儲○君○子○不○必○有○也○案○然○擅○天○下○之○利○膏○實○魁○美○盛○  
且○愈○溢○焉○則○吐○爲○文○辭○聚○以○至○多○固○常○比○於○居○千○石○而○積○猗○頓○  
古○所○云○然○其○非○越○以○誇○也○古○治○文○章○有○矣○於○詩○乎○尤○衆○然○少○數○  
篇○或○數○十○篇○多○僅○數○篇○以○至○乎○千○篇○所○出○愈○多○所○見○愈○少○必○愈○  
見○少○而○獨○以○其○詩○富○朱○公○白○圭○之○都○夫○誰○不○偉○焉○夫○物○盛○者○力○  
多○事○博○者○精○茂○彼○挾○其○弱○無○以○收○天○下○之○有○苟○餘○於○中○然○始○莫○  
不○舉○人○以○少○而○已○愈○多○也○滇○池○張○太○史○先○生○殖○詩○自○豐○守○翰○林○  
垂○十○年○出○知○河○南○郡○罷○歸○復○用○鴻○詞○徵○得○初○所○居○官○官○以○貧○而○  
詩○乃○倍○饒○或○卷○七○十○餘○篇○每○卷○以○百○計○更○數○歲○雖○萬○首○可○焉○自○

近世之篤於詩。而能以其積為鉅大者。未有也。方在郡。值上官  
 儉殘。恃幸恣毒。仇視儒賢吏。尤憎人為詩。羣吏靡懾。先生獨以  
 其民和樂。且日吟咏署中。與相拄。因竟遭劾。其於人何如。宜取  
 諸已。以極其意志。而不窮之。若此無難焉。古號地以富者。交州  
 番禺。於今尤在滇。草木鑽石川泉沙土之所含。皆可寶而取也。  
 起乎其間。一放乎詩。而遂以其充然者。當其州之所有。有榮名  
 乎哉。

山陰胡天游序

稚威名家此又宜入存志

丙子冬後學士氣豫



雷硯堂詩集名錄

刪後草 共三卷

十年吟 共十四卷

菱棠吟 共六卷

維駒吟 共三卷

樓居吟 共三卷

捉鼻吟 一卷

後十年吟 共十卷

倦還吟 共三卷

可老吟 共三卷

彩雲社詩 一卷

馬上吟 共二卷

紀恩詩 一卷附十年吟內

釋負吟 一卷

續馬上吟 一卷

漫遊草 共八卷

七復吟 共二卷

雞栖吟 一卷附後十年吟內

耄智餘草 共二卷

三五還圓吟 一卷

歸餘詩草 共四卷

雷硯堂集 一卷 名錄





雷硯堂詩集目錄

雷峴堂詩集目錄

一卷

刪後草之一 自秀山疊翠至看花 共一百九首

十三

二卷

刪後草之二 自白桃花索何天成和至旅夜雨 共一百四首

六

三卷

刪後草之三 自西湖水樓至元日建 共一百二十九首

十三

四卷

馬上吟之一 自入黔至是夕寓衛輝 共一百一十八首

十九

五卷

馬上吟之二 自下關中春月至伏羲畫卦臺 共一百六首

六卷

十年吟之一  
自秋興至歸興  
共一百首

七卷

十年吟之二  
自鄉夢至鄉夢之一  
共一百二首

八卷

十年吟之三  
自寄孫乘九至四時讀書吟之四  
共一百首

九卷

十年吟之四  
自寄何天成耕樂園至硯冰解  
共一百首

十卷

十年吟之五  
自咏梅和韻至寄懷遠令  
共一百首

十一卷

十年吟之六  
自寄南昌令至至天安門  
共一百首

十一卷

十年吟之六  
自寄南邑令至至天安門  
共一百首

十二卷

十年吟之七  
自瓶中杏花至除夕  
共九十七首

十三卷

十年吟之八  
自己亥元日至除夕  
共九十九首

十四卷

十年吟之九  
自庚子至除夕  
共一百五首

十五卷

十年吟之十  
自寓中春夜至謝馬  
共一百三首

十六卷

十年吟之十一  
自送朱孝廉至至痛飲  
共一百首



十七卷

十年吟之十二

自尋春至老墻根  
共一百六首

十八卷

十年吟之十三

自苦雨至夜飲  
共一百二首

十九卷

十年吟之十四

紀恩附自二十四新置至題名  
共九十首

二十卷

芟棠吟之一

自鞏縣道中至介南  
共一百三首

二十一卷

芟棠吟之二

自賦得青春至七夕  
共一百一首

二十二卷

芟棠吟之三

自叔舅乾峯至叅駕店  
共一百一首

二十二卷

芟棠吟之三

自叔舅乾峯至叅駕店  
共一百首

二十三卷

芟棠吟之四

自宜陽至鬍白解  
共九十六首

二十四卷

芟棠吟之五

自正月初十至署西  
共一百首

二十五卷

芟棠吟之六

自誕日至卸任  
共一百二首

二十六卷

釋負吟之一

自賦得無官至遣懷  
共一百二十一首

二十七卷

維駒吟之一

自示笑微至黑牡丹之二  
共一百一十五首



二十八卷

維駒吟之二

自晴至李廣文  
共一百一十六首

二十九卷

維駒吟之三

自孟皓髯至病起  
共一百一十六首

三十卷

續馬上吟之一

自澠池曉發至昆明  
共一百一十一首

三十一卷

樓居吟之一

自歸泛至李玉山攜琴  
共一百首

三十二卷

樓居吟之二

自九日至竟美  
共一百首

三十三卷

樓居吟之三

自十一子至補陀之  
共九十七首



三十三卷

樓居吟之三

自十一子至補陀之  
共九十七首

三十四卷

漫游草之一

自山炊至別傳時敘  
共一百三十八首

三十五卷

漫游草之二

自晴川至伯夷  
共一百首

三十六卷

漫游草之三

自寄杜舜夫至初冬  
共一百首

三十七卷

漫游草之四

自馬上日出至齊女墓  
共一百首

三十八卷

漫游草之五

自越槎至新城  
共一百三首



香齋詩集 目錄

三十九卷

漫游草之六

自張文獻公至周子故里  
共一百二首

四十卷

漫游草之七

自泊蘄陽至落鳳坡  
共一百首

四十一卷

漫游草之八

自七夕至歸興  
共一百首

四十二卷

捉鼻吟之一

自述祖詩至綠苔  
共一百首

四十三卷

七復吟之一

自七月起行至女耕  
共一百六首

四十四卷

七復吟之二

自入河南至鄉夢

四十四卷

七復吟之二  
自入河南至鄉夢  
共九十八首

四十五卷

後十年吟之一  
自良玉比君子至讀書易詠  
共一百三首

四十六卷

後十年吟之二  
自御舟至晚春  
共一百四首

四十七卷

後十年吟之三  
自傳臚至除夕之四  
共九十六首

四十八卷

後十年吟之四  
自元日至寄幼子  
共一百一十一首

四十九卷

後十年吟之五  
自中秋至花瓶  
共九十九首



五十卷

後十年吟之六

自感懷至壬戌秋  
共一百首

五十一卷

後十年吟之七

自中秋至奇事  
共一百四首

五十二卷

後十年吟之八

自歸興至畫雁  
共一百首

五十三卷

後十年吟之九

自甲子至楊花  
共九十一首

五十四卷

後十年吟之十

自南池至偶興  
共一百首

五十五卷

後十年吟之十一

自大鐘歌至胡州景  
共六十八首

五十五卷

後十年吟之十一 自大鐘歌至胡州尉  
共六十八首

五十六卷

倦還吟之一 自盧溝至望平  
共一百三首

五十七卷

倦還吟之二 自憶故園至冬園  
共一百二首

五十八卷

倦還吟之三 自何玉山墓至洗硯池  
共一百二首

五十九卷

耄智餘草之一 自庚午元日至擲金  
共一百首

六十卷

耄智餘草之二 自東陳存庵至郊望  
共一百三首

五十五卷  
目錄



六十一卷

可老吟之一 自山齋夜雨至趙廣文 共一百一首

六十二卷

可老吟之二 自春與至小至日 共一百五首

六十三卷

可老吟之三 自詔舉鄉飲至除夕 共六十首

六十四卷

三五還圓吟之一 自夏至至昆明畱別 共一百九首

六十五卷

彩雲社詩之一 自春店至曲江問道 共一百二十九首

六十六卷

歸餘詩草之一 自四月還家至補陀 共一百六首

六十六卷

歸餘詩草之一

自四月還家至補陀  
共一百六首

六十七卷

歸餘詩草之二

自風來至夏雨  
共九十九首

六十八卷

歸餘詩草之三

自家季膺至仿何大復  
共一百二首

六十九卷

歸餘詩草之四

自曉行至剪樹陰  
共四十九首

七十卷

集古之一

自報社歌至集陸游句

七十一卷

集古之二

自憶昆明至謝贈言



六

二

歸餘詩草卷一  
目錄

七十二卷

集古之三

自登第至

聖壽第二十八首

七十三卷

集古之四

自早朝至述懷



雷硯堂詩集年數



畱硯堂詩集年數

刪後草

丙子至癸巳之作

馬上吟

巳丑壬辰癸巳三上公車之作

十年吟

癸巳館選在京至甲辰之作

芟棠吟

甲辰任河南府至巳酉之作

釋負吟

巳酉秋至庚戌春之作

維駒吟

庚戌夏至辛亥春之作

續馬上吟

辛亥夏至秋之作

樓居吟

辛亥秋歸里至甲寅春之作

漫游草

甲寅春出游至巳卯秋歸里之作

捉鼻吟

巳卯秋至丙辰秋之作



畱硯堂詩集年數

七復吟

丙辰秋至丁巳之作

後十年吟

丁巳至丙寅春歸里之作

倦還吟

丙寅秋至丁卯行路之作

耄智餘草

自庚午至辛未之作

可老吟

自辛未至甲戌之作

三還圖吟

甲戌夏至秋寓昆明之作

彩雲社詩

乙亥春寓昆明至冬歸家之作

歸餘詩草

乙亥冬至戊寅冬寓昆陽寓臨安之作

集古

自丙子至戊寅之作

凡六十三年

敘

不觀滄海。不知支流。衆壑爲湫隘。不登泰山。不知陪嶺。爲卑小。不徧歷天下。通都大邑。人民聚會。不知一鄉一國。爲荒陬僻壤。境有所進。識有所周。以是爲學。有無窮盡之意焉。出學之餘。以爲詩。又可知矣。予在京師。日游坦庵呂夫子之門。夫子喜與子言詩。謂詩必唐人爲準的。詩不唐人。不如其已也。是時予方悔少作。纖麗不雅馴。不免鄉人餘習。聞是說。豁焉大悟。如得人世奇觀。所作亦駸駸近古。嗟乎。吾於是重有感也。令吾終其身。不得第。爲萬里行。以日游大賢之門。終其身爲詩。不復進境。是猶觀水者。不知滄海之爲濶。登山者。不知泰山之爲尊。觀風問俗者。不知通都大邑。人民聚會之爲衆。沾沾自詡。徒貽笑大方者。

之前。以爲極天下之大觀。而無恨不愚且妄乎。生平以得事呂夫子爲忻幸。而博一第光寵。又不足多也。予諸生時爲詩。近九百首。舉孝廉。家居時百二十首。兩帙擇之。勉存者三百六十有奇耳。甚矣夫詩之不易言也。予少有詩癖。得心病。幾瀕於死。詩不過千首。而勉存者復寥寥有盡。吾心良苦。三年刻玉爲楮葉。不如造物之工。屠龍之技。學成無所用其巧。不徒勞乎。戊戌夏。命兒子錄存名曰刪後草。自從刪後更無詩。古之人言之矣。刪後之詩。尚可存耶。予非存是詩。存諸生時曾有是詩而已。

留硯堂集卷一

刪後草上卷

石屏張

漢月槎詩稿

姪孫

孝詩敬刊  
軒傳恭校

四言

○○○西湖十咏

秀山疊翠

遵海而南登彼西山峯迴路轉競秀孱顏  
際仙人遺枰歷何年世山中有仙人石枰  
有心尋之不見

樹林陰翳縹緲烟

西湖澄波

盈盈一水虛涵太清銀河倒瀉牛斗交橫  
頃活水源頭天光雲影

海不揚波一碧萬

漁舟晚唱

滄浪之清。荇藻交橫。漁歌互答。欸乃一聲。

蘆花淺水。一葉扁

舟。明月在天。呼嘯中流。

龍孔書聲。孔洞也。相傳夜半有書聲。

海島移情。聲出金

鑒於水止。蛟龍之都。中無俗韻。異人異書。

石夜如何。其風清月白。

秋聲在戶。枕席皆

青松為經。白石為緯。清風徐來。浣於塵胃。

波。羲皇而上。獨寐寤歌。

掀髯長嘯。人在个

竹院清游。

鬱鬱山陰。萬竹屯雲。何須問主。不可無君。

中既見君子。穆如清風。

水樓觀炬。

中。既。見。君。子。穆。如。清。風。

折。翬。長。嘯。入。在。个。

水樓觀炬

今。夕。何。夕。星。回。於。天。松。明。萬。點。村。樹。欲。然。

倒。影。沉。波。鎔。金。在。

山徑歸樵

西。南。諸。峯。林。壑。尤。美。伐。木。丁。丁。日。之。夕。矣。

日。歸。日。歸。桃。源。迷。

蓮池夜月

人。鏡。芙。蓉。凌。波。仙。子。彷彿。西。湖。荷。花。十。里。

少。焉。月。出。下。上。天。

五畝晴烟

百。畝。之。田。五。畝。之。宅。聚。族。而。居。炊。烟。沉。白。

氤。氲。無。際。雲。鬢。霧。

髻占者必云東來紫氣

屏上漁父圖

何物烟波飛吾鏡裏日有良工屏圖山水一葉其舟一杯其泚  
西風瑟瑟蒹葭采采叶巖崩欲垂濤驚欲起目極滄洲尺幅千  
里中有幽人意不在鯉浮家泛宅行行且止憶予西湖扁舟獨  
艤行人顧之應亦如此

壽施廣文

鬱鬱者松峩峩者石先生之風噓人几席煥文其嶺萊玉其峯  
先生有鐸耳振人聾采芝一曲睢陽可六無懷之民葛天之族  
雉羹于豆帝享其右酌而祝之為先生壽

彭祖姓錢名鑿顛頃之玄孫善養性  
能調鼎進雉羹於堯享之畀以壽考

壽胡節婦代



彭祖姓錢名鑿。顓頊之玄孫。善養生。能調鼎進雉羹於堯。享之畀以壽考。

樞 音薑

木 萬年

壽胡節婦代

翹翹者樞。青青者柏。夫人似之。厥操不折。瑤池有冰。峩嶼有雪。夫人似之。不因人熱。磨而不磷。涅而不緇。玉堅且白。夫人似之。太璞無傷。良王之鄉。藐孤無恙。邦家之光。

五言古

大壩

獷 音拱 鹿麕惡之 貌

山林多伏莽。曲徑藏陰幽。羣山如大環。中做列平邱。烟雲為繚繞。藤蘿與蟠糾。茅屋幾人家。當門繞長流。信是高人宅。胡為獷騎謀。車牛臨衝塞。行人動殷憂。甚欲搗巢穴。未雨早綢繆。

○ 西城月中何天成索賦

迢迢古城陰。爽氣溢林樾。中有素心人。清影抱明月。月影清以

西觀漢記卷一 刪後草上

寒。羣。器。靜。此。夕。牛。斗。逼。人。低。風。露。侵。人。冽。鄰。春。斷。復。連。村。火。明。  
還。滅。對。此。淨。心。魂。虛。中。自。生。白。游。雲。無。所。歸。仰。視。寥。天。碧。

西山三皇宮

西。山。西。復。西。曠。懷。思。所。寄。山。榛。與。隰。荅。美。人。亦。云。逝。冥。心。游。太。  
虛。太。虛。從。所。憩。黃。農。雖。已。沒。彷彿。三。皇。世。西。風。吹。靈。籟。西。山。餘。  
爽。氣。挈。壺。自。行。歌。酣。歌。落。雲。際。

補陀巖 乾陽山麓

翹。首。乾。山。麓。長。岡。凝。碧。翠。去。地。亦。無。多。超。然。渺。塵。世。俯。首。萬。井。  
烟。氤。氳。杳。無。際。雲。氣。盪。吾。胸。清。風。吹。吾。袂。怪。石。亦。嶙。峩。樹。林。復。  
陰。翳。柱。礎。蟠。雲。根。開。軒。理。荒。穢。落。伽。海。以。南。排。神。恍。如。濟。延。佇。  
山。之。阿。高。懷。有。同。寄。

俳 音排 亦

陰繁在磧。蟠雲根。開軒理荒穢。落伽海以南。伊神恍如濟。延佇山之阿。高懷有同寄。

新秋和韻

日御行西陸。炎飈轉微涼。人生大塊中。江湖與相忘。偶披烟際月。花影覆寒香。炯如波橫藻。步欄有餘芳。蒹葭懷伊人。溯洄道阻長。求之不可得。思與白雲揚。

壽阿迷何明府

烏充山下紫霞多。虬松古柏拂巖阿。山中近有循良宰。輿人爭頌郡公何。學海汪洋三萬頃。高懷不與眾俱波。官署如冰心似水。年年宦隱鳴玉珂。昔年代篆入坪土。山水緣深交道古。飲馬投錢事庶幾。不解賦蛇并政虎。祈公長享八千秋。世登仁壽籙。鐘戶大山小山伯仲間。太極仙人真其祖。

阿迷州有烏充山。羣鳥朝其上。堯時何侯號太極真人。壽二百餘。

音箋音鏗

籙論語疏老

彭姓在商為守藏吏在周為柱下史

送蒙化宣子應童子科

始平家世蒙陽客。少年筆架珊瑚格。雅人深致氣爲蘭。芳香欲  
繞荀公席。臯比共我坐設經。雨幾朝兮風幾夕。霎時綠酒醉紅  
亭。驪歌蓼岸聲三咽。會當投我六六魚。芳芹爲報侵衣碧。

看菊影

蕭蕭晚節殿羣芳。客眼青時逼晚涼。秋陰滿院清如水。采采東  
籬嗅寒香。坐起呼童張燈燭。爲花寫照增重綠。燈影蕭疎燭  
影濃。粉署丹青開一幅。先生拍手笑陶家。年年著酒對黃花。  
只解看花不解影。幾曾壁底玩龍蛇。看影由來知者寡。空中  
潑墨應難寫。伊誰寫句贈花神。雲破月來張子野。

大樹歌

驕陽欺我蘊蟲蟲。手揮汗雨愛臨風。行行老樹何家樹。披襟兀

大樹歌

擢  
輸

音衢  
輸  
類

逐  
音仄

驕陽欺我蘊蟲蟲。手揮汗雨愛臨風。行行老樹何家樹。披襟兀  
坐疑初冬。獨立亭亭無封殖。攫霧吼風兼蔽日。下有擢輸草青  
青。行人一坐千金直。奈此匆匆住不久。別去真同別良友。癡懷  
安得巨靈仙。攜之隨我晴空走。

迎春曲

芳郊處處轉晴春。折梅欲寄隴頭人。繡野行行花十里。爭看綵  
樹拂雲生。春光咫尺自東來。長堤一帶競喧逐。摩肩錯趾紛如  
織。稚子歡呼未肯回。羅襪香塵生步步。徙倚探花尋柳處。花映  
紅顏柳映眉。遺鈿墮履知何遇。銀幡綵勝驚歸宴。翠蓋落花飛  
片片。夾岸旌旂擁霧來。影入澄江翻碧練。有客尋春載酒過。相  
將畫舫羅笙歌。好鳥當筵爭度曲。雙雙細語掠晴波。村樹籬花

舟獨艤。漁歌款。乃夕陽裏。歸帆遠。拂萊山青。娟娟明月臨江水。  
東皇有意轉物華。詩壇藻思落雲霞。玉山既倒不辭飲。更指青  
帘賣酒家。人言花鳥將春色。我念小民周稼穡。宸游此日定  
東郊。青絃秉耒三推力。年年澤國風光好。五十經年猶為少。時  
熙五十年 中原無鹿野無鴻。但願常登春臺老。歲辛卯

龍潭

靈湫一帶沿溪入。鬚眉可鑑光湜湜。上有虬龍古樹蟠。攫雲擎  
霧烟冪冪。秋風簌簌洞壑哀。落葉聲如殘雨急。俯看溪中眇目  
魚。咄咄臨風三嘆息。魚皆一目

九日畫西湖圖

九月九日黃花老。登高懶出層雲表。臥游直游西湖圖。萬頃烟

波橫一掃。松耶柏耶颯颯鳴。噓人滿座盡秋聲。寫得西湖真面

九月九日黃花老。登高懶出層雲表。臥游直游西湖圖。萬頃烟

波橫一掃。松耶柏耶。颯颯鳴噓。人滿座。盡秋聲。寫得西湖真面目。山禽沙鳥盡如生。胷中邱壑常如此。紙上烟雲聊復爾。扁舟小憩元真子。噫嘻吁元真子。笠雨蓑烟從此始。

次日登高

九月九日興全慵。攜尊不願入高峯。詰朝復飲邱壑裏。茱萸依舊醉秋風。殘菊敗荷秋同老。霜葉如花照酒紅。對此霜痕淨塵壒。音醉倒秋山橫一帶。重補龍山落帽文。再續處士餐英會。餐英會風鳴籟。歸來人在夕陽外。陂塘攜手更行行。清冷月色翻靈灑。

送窮神

有序

比年以來。食貧爲甚。字不供煮。誰憐方朔之飢。藥以爲

生○莫○慰○相○如○之○渴○托○窮○愁○以○自○見○思○溫○飽○以○何○心○問○彼  
天○兮○識○盈○虛○之○有○數○卜○諸○日○者○決○來○復○之○有○期○慚○逐○富  
其○無○文○元○非○楊○子○因○送○窮○而○有○句○意○取○韓○公○聊○成○小○賦  
於○七○言○用○博○大○方○之○一○笑○

窮○神○逼○我○十○年○餘○向○庚○向○癸○日○頻○呼○陋○巷○簞○瓢○樂○且○訐○波○及○清  
名○走○八○區○使○我○壁○立○媿○相○如○使○我○囊○空○敵○阮○孚○三○旬○九○食○飢○所  
驅○見○說○今○年○錐○也○無○雪○不○能○銀○雨○不○珠○王○孫○誰○飯○革○誰○襦○縱○裁  
錦○江○不○成○裾○書○倉○盡○煮○口○難○糊○貧○入○膏○肓○人○欲○痛○洪○厓○不○許○戀  
青○蛛○通○神○何○物○鬼○不○輸○送○人○作○郡○反○挪○揄○文○有○債○兮○詩○有○逋○食  
紙○燃○糠○事○豈○誣○西○江○涸○轍○泣○鱗○枯○三○上○相○書○我○嫌○諛○惟○吾○知○吾  
本○故○吾○室○人○交○謫○友○情○疎○避○趨○無○計○盍○卜○諸○季○主○無○靈○決○盈○虛

窮○尼○富○虎○有○是○夫○天○地○諒○不○私○貧○余○一○朝○窮○神○辭○窮○廬○爲○我○枵



本故吾室人交謫友情疎。避趨無計盍卜諸。季主無靈決盈虛。

窮尼富虎有是夫。天地諒不私貧余。一朝窮神辭窮廬。爲我枵  
腹謀儲胥。我前攜手且踟蹰。素心本不戀羶腴。何必勞勞爲錢  
愚。望門大嚼入羣屠。神言天道有乘除。碩士豈終山澤癯。今秋  
爲爾掇紫朱。相將遇巷達亨衢。再四畱神神不居。永夕無計繫  
白駒。茫茫天地曷歸乎。神言我欲入通都。銅山金穴守錢奴。海  
市蜃樓祇須臾。會書咄咄歌烏烏。人滿天概妒苞苴。促裝載道  
竟奔趨。醉中分袂水爲醑。清風爲馬雲爲車。送子無何有之墟。  
楊子雲有逐富賦。左傳貧入膏肓矣。朱詹食紙實腹讀  
書。顧歡家貧燃糠夜讀。貧尼富虎出楊子謂仲尼陽虎

長短句

星回謠

星回節。出南中。村村市市夜燒紅。年年六月廿五日。大家晚眺

據高墉。煌煌不夜。非因月。點點欲浮。半迎風。乍明乍滅。忽聚忽散。幾回名狀。訝難窮。舉身疑入萬花谷。千樹桃花十里蓉。又如攜筇招提境。聖燈數點落長空。或曰移天爲地。鋪星斗。銀花火樹。見畧同。或云螢焰開千斛。夜來隋帝幸離宮。不則兵機不厭詐。下策驚聞出火攻。觸牛角。縛雞尾。昔人一戰獲成功。只今玉燭調元久。熒熒那復戍樓烽。將勿丹邱焚一烈。不千赤壁燭千艘。又如火城五夜趨金殿。促催玉漏响壺銅。此時陽烏睡不醒。啣火天門起燭龍。灼灼光芒高萬丈。黃金在冶未銷鎔。青畦紫陌。渾不見。蒼山碧樹。辨無從。氤氳不是函關紫。秉畀炎火祈年豐。

月令。日窮于次。月窮于紀。星回于天。數將幾終。歲且更始。謂十二月也。滇中六月廿五夜。徧燃火炬。乃南詔故事。如星在

月令日窮于次月窮于紀星回于天數將幾終歲且更始謂十二月也滇中六月廿五夜徧燃火炬乃南詔故事如星在

地借名  
星回節

壽趙先生

趙氏有名賢一琴兼一鶴先生遠子孫高懷亦落落琴一曲有  
知音高山流水愜予心鶴一蜚摩太清元裳及縞羽常棲松雪  
林先生壽考無窮已人世瞠乎若後矣螻蛄那得知春秋大聲  
不諧於里耳

四時吟

山中春。攜酒坐花茵。尋古洞。路入桃源津。山中夏。日長午。夢  
罷倚陶窗。不在羲皇下。山中秋。寒潭月影浮。掉小舫。夜宿蘆  
花洲。山中冬。白雪舞迴風。探梅信。驢背繫詩筒。

三言

刪後草上

屏上美人圖

誰家子。立屏東。空疑色。色疑空。為傳神。阿堵中。天人貌。輕寫  
照。懶畫眉。勞京兆。點絳唇。微含笑。雙目送。秋波動。長相思。笛  
一弄。恐踏歌。或來夢。可憐人。奈何春。嬌不語。喚真真。疑問渡。

桃源津。對檀郎。擅專房。嬌侍夜。望投香。無何有。是伊鄉。

趙顏得女子障女名  
真真呼名百日即應

五言律

山行聞樵唱

山行六七里。樵唱兩三聲。雲為織歌遏。風緣爽籟生。滄浪誰與  
聽。白石自為賡。一片塵腸洗。倚驂仔細行。

紙帳 集藥名

白紙垂書幌。空清帳裏紋。天冬凝霽雪。半夏枕殘曛。蒼竹娟娟

紙帳名集藥

白紙垂書幌。空清帳裏紋。天冬凝霽雪。半夏枕殘曛。蒼竹娟娟對。紅花細細芬。文房風不定。續斷曉鐘聞。

月下

兀坐空堦夜。攜琴就古松。月光涼似水。雲影奇為峯。檻竹疎還密。庭花淡復濃。詩成人不寐。唧唧有吟蛩。

○追輓家行人我白先生和塗啟夏韻行人諱廷璧前甲午孝廉石屏人

勝朝一遺老。野鶴雞羣中。傲骨橫今古。談鋒劈異同。生涯頭上雪。世事耳邊風。不盡乘槎水。飄然度碧空。先生曾泛海外何事成孤憤。滄桑入望中。河山悲日異。身世笑雷同。已畏鳶沉水。還驚鶴唳風。願從千日醉。一洗萬緣空。

自海東夜渡異龍湖

刪後草上

龍湖千尺水。一舫明月多。赤壁仙人賦。滄浪孺子歌。江村憑火報海國。借星羅。不進尊中酒。蟾光如夜何。

村居

我愛村居好。蕭然野興偏。牛羊芳草地。雞犬白雲天。修竹青山裏。小橋流水邊。不知塵世外。忽有地行仙。

酬家寅揆先生贈扇韻 諱端亮前已酉孝廉任石屏廣文蒙化人

家學先生舊。義之更復之。松烟飛墨帳。杏雨潤緇帷。面北橫經久。指南得路奇。一琴山水意。俗耳定無知。

王羲之七子皆有名。人曰羲之後復有之。范文正公晝夜肄業帳中。帳頂皆墨色。及貴夫人示諸子孫曰。汝父少時勤學。烟迹也。

普淨寺和韻

自芬嵇生懶。蕭然在竹林。靜聽溪有舌。閒共雲無心。柏子流香

普淨寺和韻

自○分○嵇○生○懶○蕭○然○在○竹○林○靜○聽○溪○有○舌○閒○共○雲○無○心○柏○子○流○香○  
遠○蓮○花○入○漏○沉○山○人○尊○酒○盡○跌○坐○更○調○琴○  
西○山○一○片○月○清○影○照○琅○玕○琴○韻○橫○流○水○詩○情○湧○急○湍○雲○深○常○就○  
榻○谷○邃○宛○如○盤○誰○似○蘇○門○叟○天○空○發○嘯○鸞○  
山○陰○多○竹○地○到○此○俗○全○刪○鳥○佛○休○憐○瘦○坡○仙○且○共○閒○霞○光○紅○碧○  
水○雲○氣○白○青○山○更○借○松○風○力○吹○教○塵○夢○還○

自君之出矣

自○君○之○出○矣○無○復○理○瓊○珉○采○綠○終○朝○後○落○紅○滿○地○初○金○錢○時○就○  
卜○錦○字○不○成○書○兩○地○人○千○里○冰○輪○轉○碧○虛○

紅梅步韻

凍○合○燕○支○冷○花○開○晚○日○紅○冰○姿○凝○絳○雪○玉○頰○醉○春○風○錦○浪○天○台○

裏瓊林上苑中。朱顏羞與並。索笑有山翁。

冬日憶北上之苦

見說征途苦。凝寒又一冬。江聲猶在耳。山色半橫眉。驟馬經年。夢飛鴻。舊日踪。相思同勝友。渴別意如春。

除夕 巳丑

歷尾行將盡。殘燈刻漏遲。細傾分歲酒。狂寫送窮詩。心事魚腸。識功名。蝸角啣。讀書慚未飽。卻喜鬢無絲。

醉

竟作尊中隱。不知死後名。雅耽文酒會。偶訂聖賢評。羃仗青天。潤杯涵碧海。清封侯何足願。暢飲得吾生。

侍家世父偕諸弟小飲喜客泉戲書桐葉

客至泉沸故名在石屏西郭外

西郭驚泉沸。清涼淨客心。石城烟樹迴。禪室水雲深。得句書桐



侍家世父偕諸弟小飲喜客泉戲書桐葉

客至泉沸故名在石屏西郭外

西郭驚泉沸。清涼淨客心。石城烟樹迴。禪室水雲深。得句書桐葉。呼樽嘯竹林。流風懷二阮。相對滌塵襟。

海東道中

去去尋山麓。揮鞭度驛塘。石多愁馬瘦。雲懶覺人忙。路繞晴烟碧。波翻曉日黃。縱游良不厭。得句付詩狂。

村居偶成

流鶯何太巧。百囀叢林邊。對月修花史。衝雲放酒船。中庭無俗吏。下界有頑仙。頗耐孤吟癖。匡床坐欲穿。寂寂春山裏。孤懷獨往時。叫雲歌宛轉。弄月評參差。傲是生來癖。狂爲本事詩。醉中有天地。不遣外人知。共是窗前月。倚桐興獨殊。往來無客共。行坐與雲俱。總督烟花

部。平。分。山。水。圖。撫。懷。終。宇。宙。不。羨。執。金。吾。

漢光武曰仕宦當作執金吾吾禦也執金革以禦非常一日鳥名執此鳥之象故以名官又曰車幅也金塗兩末

頗。信。閒。中。樂。清。吟。謝。俗。紛。花。睦。朝。課。雨。月。戶。夜。披。雲。貫。酒。償。詩。債。傭。書。勞。筆。勛。屈。伸。隨。牙。足。不。用。卜。靈。氛。

楚離騷命靈氛為予占之靈氛古之善占者

獨行

好。境。何。人。覺。幽。懷。只。獨。知。尋。山。寒。翠。入。繞。樹。亂。雲。隨。雁。度。臨。江。晚。雞。鳴。向。午。遲。徘徊。如。有。意。還。往。亦。無。期。

池上竹

池。塘。千。个。竹。分。影。入。晴。窗。細。染。青。編。色。輕。浮。綠。酒。缸。朝。吟。爭。雨。亂。午。睡。怯。風。撞。取。意。滄。浪。曲。衝。萍。放。小。艫。

賦得秋天不肯明  
杜甫句

池。堪。千。个。竹。分。影。入。晴。窗。紅。染。青。綠。色。輕。浮。綠。酒。在。草。吹。琴。下。  
亂。午。睡。怯。風。撞。取。意。滄。浪。曲。衝。萍。放。小。艫。

賦得秋天不肯明 杜甫句

客。愁。知。夜。永。欲。睡。不。成。鄉。頗。覺。曦。輪。緩。翻。嫌。玉。漏。詳。叮。啾。喧。旅。  
雁。瑣。細。泣。寒。聲。乍。喜。臨。窗。白。依。然。曉。月。光。

○ 秋夜

蛛。蟀。侵。床。入。孤。吟。不。可。聽。繞。梁。餘。片。月。在。戶。有。三。星。砧。杵。敲。愁。  
破。燈。花。落。夢。青。寸。心。灰。未。冷。驛。路。想。會。經。

壽施廣文

耆。傑。雷。昆。海。皚。然。兩。鬢。霜。晚。香。寒。似。菊。辛。氣。老。於。薑。洛。社。存。司。  
馬。文。壇。有。鄭。莊。石。城。諸。弟。子。相。望。魯。靈。光。

蓮池小雨

徙。倚。蓮。花。國。陰。晴。變。態。殊。鮫。人。珠。淚。碧。越。女。鏡。顏。朱。畫。槳。臨。風。

皚 疑開切  
艾平声  
霜 雪之  
白也

香風集一  
刪後草上

動。村。醪。帶。雨。沾。空。濛。山。色。裏。千。載。憶。髯。蘇。

馬上

路。繞。西。湖。曲。西。山。馬。上。橫。着。鞭。尋。翠。入。載。酒。傍。花。行。露。冷。丹。楓。換。烟。開。白。鳥。明。織。歌。何。處。起。宛。轉。避。流。鶯。

久雨

赤。松。何。太。苦。不。放。陣。雲。疎。遠。市。難。呼。酒。中。園。少。擷。蔬。乘。風。勞。舞。燕。臨。水。患。為。魚。不。覺。秋。思。切。蕭。然。七。月。初。赤松、雨師、

山行雜咏

陡。絕。山。中。路。槎。枒。樹。倒。橫。無。絃。松。度。曲。有。酒。竹。盈。觥。邱。壑。豺。狼。道。村。庄。雞。犬。聲。卜。居。羨。林。叟。投。老。作。樵。耕。  
嶺。樹。千。重。直。奔。雲。傍。馬。行。河。流。分。語。默。流水有聲為語無聲為默山。氣。迭。陰。

晴。到。處。成。佳。境。沿。村。盡。俗。名。村名俱土語臨。風。無。別。韻。聚。族。嚙。流。鶯。

嶺樹千重直奔雲。傍馬行。河流分語默。流水有聲為語。無聲為默。山氣迭陰。

晴到處成佳境。沿村盡俗名。村名。土語。臨風無別韻。聚族嚙流鶯。  
拔地蒼峯起。敲鞭快遠游。河山明指掌。關塞控咽喉。馬向壁間  
度。烟從樹裏浮。滄茫村舍迴。信宿為誰酬。

村夜

信宿山多處。芙蓉疊障連。詩城環冑鎧。酒政雜絲絃。煨鼎沉烟  
細。時有繩床得月先。白衣及蒼狗。突過枕衾邊。

畫眉鳥

粉黛吁何嫵。山禽有別姿。畫疑京兆手。白勝季良眉。新月流光  
暗。遠山挹翠奇。雙蛾應妒汝。珍重宿高枝。

修冲關馬上異龍湖東十里

踏雲直遂去。路轉識峯迴。山色催詩出。湖光迎馬來。炊烟凝細

刪後草上

柳鋤影落殘苔。午餉嫌秋暑。臨流快起颺。

秋熱

何事秋將盡。炎熇尙未平。良宵猶正午。酷暑續三庚。紈扇無輕棄。絺帷不可更。閉門殊倦極。伏枕怡神清。

五言排律

懷楊孝廉萊卿都中

諱正筍石屏人

又是春時節。臨風意渺然。懷君行萬里。累我夢三年。郭泰舟誰共。潘安駕不駢。高談思抵掌。雅謔喜隨肩。玉署遲飛白。雲亭漫草玄。焚身成舊社。擊鉢賭新編。完璧心同杵。攻金志獨堅。雲龍思共逐。風鶴望徒懸。一日三秋後。寸心千古前。遙知燕市雪。定想異湖烟。欲覓談天客。難逢縮地仙。平安修竹報。消息隴梅傳。

此去形猶隔。邇來事獨遷。翻雲交道盡。吠日世情偏。聞政苛如

思共。逐。雁。鶴。空。行。思。一。日。三。和。行。一。日。一。下。前。送。久。其。下。雪。分。  
想異湖烟。欲覓談天客。難逢縮地仙。平安修竹報消息。隴梅傳。

此去形猶隔。邇來事獨遷。翻雲交道盡。吠日世情偏。聞政苛如  
虎。逃名戾匪鳶。摸稜嫌傲士。奔走遜時賢。維僕寧甘拙。於人輒  
號顛。鍛翎同鳥倦。抱足祇夔憐。鄉信今何杳。交期後莫愆。槐黃  
催計吏。蓬轉促征鞭。冀北空羣久。河東獻賦先。轉眸登杏苑。攜  
手步花磚。兩地停雲日。孤懷對月天。連宵人不寐。離恨滿山川。  
秦百里孟明視將兵伐晉渡河焚舟大敗晉人取王官及鄆  
以報殺之役焚舟誓必捷也壬午結文社策卿署其名曰焚  
舟故云舊社。韓愈詩我願身爲雲東野化爲龍四方上下  
逐東野

五言絕句

漁舟學釣

桃花雨一蓑。生計在烟波。意釣思漁父。前身想志和。

尋春

酒瓢一掬春。約領梅花味。借問隴頭人。梅花開也未。

梅下 得乳字

性癖愛梅花。爲花烹雪乳。暗香疎影中。對月修琴譜。梅雪久爭春。未能融水乳。何如兩不爭。共結歲寒譜。

初春枕上聞鳥語

巧換東風舌。聲聲罵曉寒。晴窗人未起。有夢不曾完。

春曉

夜深多不寐。到曉愛高眠。鳥語偏唐突。驚人夢裏天。

古洞

山深一洞烟。時有雲來去。瓢隱者何人。巢居於此處。

晴

雨霽花能笑。天晴燕亦歸。綺窗閒眺遠。雲碧起山腰。



晴

雨霽花能笑。天晴燕亦驕。綺窗閒眺遠。雲碧起山腰。

聞笛和韻

淒涼玉笛聲。雅趁窗前月。吹落洞庭霜。恐欺聽者髮。

櫻桃花

屏諺櫻桃花  
開治年酒

欲壓屠蘇酒。櫻桃蕊正紅。乍開樊素口。含笑待春風。

旅月

漸覺蟲聲怒。殘燈旅夜身。月光知別苦。畱影慰羈人。

驢鳴

常怪仲宣癖。何為愛此聲。胸中多磊塊。借發不平鳴。

灑掃

敝帚享千金。拂塵塵不滓。願言方寸中。清淨亦如此。

小飲

月蕩青帘影。風迴白紵聲。巴人歌一曲。暫許破愁城。

美人鋤草

本事嬌無力。胡為薙草謀。青青縈舊圃。不使喚春愁。

吃烟

豈吹桓伊笛。清音靜不聞。沉酣非中酒。噓氣忽成雲。

病酒

消愁方問酒。病酒更多愁。安得平原石。高眠傍酒樓。

絕句

松老讀書處。花開載酒時。素心秋月許。幽興野禽知。

刈稻

曾有操豚祝。轉眸已食新。薦馨盛玉粢。粒粒總皆珍。

松老讀書處。花開載酒時。素心秋月許。幽興野禽知。

刈稻

曾有操豚祝。轉眸已食新。薦馨盛玉粢。粒粒總皆珍。

采蓮

采采芙蓉國。孤亭入水心。蜂房憐葑子。雀舫移葭陰。

煮笋

昨夜龍孫泣。朝餐玉笋供。寄言饒太守。千畝在吾胸。

六言絕句

書懷 二首

與點春風沂水。尋顏陋巷簞瓢。不用詩狂酒癖。讀書之樂陶陶。  
半畝源頭活水。扁舟雨後青山。果是塵心不染。由來樂意相關。

卽事 二首

一瓢酒呼月醉。百篇詩對風吟。戶外元無俗客。山中自有知音。

有人孺子下榻無事先生閉關坐聽琴中流水臥游枕上名山

答客

且論先生大人休言英雄豎子阮公杖上之錢日飲亡何而已

劉伶酒德頌有大人先生者阮籍嘗登廣武觀楚漢戰場嘆曰時無英雄遂使豎子成名耳袁盎字絲徙為吳相辭行兄子種謂盎曰吳王驕日久國多奸今苟欲劾治彼不上書告君即利劍刺君矣南方卑濕君能日飲毋何可免禍也毋何幾何時也

約友飲月下 東坡句

月出東山之上顧安所得酒乎我歸而謀諸婦待子不時之需

學耕

帶月村中荷鋤世間萬事無如忘帝力於何有葛天氏之民歟

醉中有懷

竹節傳吾小影梅花悟我前身醉翁意不在酒云誰之思美人

醉中有懷

竹節傳吾小影。梅花悟我前身。醉翁意不在酒。云誰之思美人。

醉吟

敢謂詩為汝父。自知飲是吾師。快哉一石亦醉。清風明月可支。  
詩品湯休謂吳邁曰吾詩可為汝詩父謝光祿曰不然湯可為庶兄。杜甫詩痛飲是吾師李元忠曰阮步兵吾師也李少府豈欺我哉

答俗子

佯問不妨佯對。妄言且以妄聽。奇書奇士能讀。大夢大覺方醒。  
齊景公問東海棗華而不實何也晏子曰秦穆公黃布裹棗至海上而投其市故華之不實公曰吾佯問耳對曰佯問者亦當佯對。東坡聽人說鬼曰汝試妄言之我姑妄聽之。莊子且有大覺而後知其為大夢也

讀書

讀書不求甚解。不使不知者知。快哉浮一大白。有味乎其言之。

元稹夢游春詩序不使不知者知不可使知者不知

會課

不拾他人牙慧欲抽自己心裁恨陳言之務去曼曼乎其難哉

春游

紅雨香中世界翠微堆裏人家碧玉壺澆竹葉黃金勒控桃花(馬)

訂隱

不見是而無悶身將隱又焉文洗耳溪前流水曲肱枕上浮雲

寫懷

氣春風與同嘘心秋水兮一勺王者之民皞如君子之交淡若

看花

足跡幾遍林園品題總歸詩酒天下一石春風桃花當得八斗

足跡幾遍林園品題總歸詩酒天下一石春風桃花當得八斗

畱硯堂集卷二

刪後草中卷

石屏張漢月槎詩稿

姪孫孝詩敬刊  
軒傳恭校

七言絕句

白桃花

索何天成和

陶氏名姝冰作骨。天台仙子玉為家。揚州水部驚回首。悞指官梅晚看花。

上元燈

不夜城中落晚霞。重重火樹絢銀花。我來欲借光明燭。付與宵人夜績麻。

硯山

石屏南山產石  
紫潤為硯受墨

媚澤輝川莫與論。我懷片石紫雲根。山靈應有封侯骨。賭取專

城即墨尊。

中秋無月

冰輪碾破一天秋。無數桐陰滿地浮。不信白雲偏解妬。反教清影礙瓊樓。

月影平分一色秋。誰教鐵騎滿天浮。酒酣欲試推雲手。賒我晴

光出玉樓。鐵騎黑雲也。

夜雨聞簫

蕭蕭細雨濕窗紋。有客敲詩到夜分。何處玉簫清欲絕。一聲吹散碧空雲。

咏葵

秋院亭亭滄露黃。漫隨花影度迴廊。金莖欲試擎天手。雷取丹

心仰太陽。



秋院亭亭。滃露黃漫。隨花影度迴廊。金莖欲試擎天手。雷取丹。

心仰太陽。

九日和韻

采采黃花。浥露時。一庭清氣逼人衣。霜英縱被秋風惡。不比春城處處花。

自臨安旋家馬上作

馬蹄聲裏落花輕。屈指還家一月零。山笑我來仍故我。我來仍笑故山青。

元宵聽雨

不將一刻換千金。斗酒百篇對客吟。滴瀝花窗聽夜雨。一聲聲似漏聲深。

燈下梅

香艷堂集二卷

刪後草中

燈花亦解媚春妍影落枝頭半欲然索笑不妨沉夜飲一窗晴  
雪籠晴烟

鏡前梅

壽光寫照遺香痕對影驚疑倩女魂昨夜羅浮春夢醒一輪明  
月破黃昏

梅花帳

雪蕊籠紗點點浮相思一夜動春愁夢魂不怕孤山險又逐香  
風作勝游

春日

綠樹依微漾碧空披襟兀坐轉春風紛紛吹落桃花雨濕卻山  
窗一半紅

七夕雨

窗○一○半○紅○

七夕雨

梧○桐○枝○老○露○初○零○滴○滴○秋○聲○冷○畫○屏○誰○置○巫○峯○銀○漢○裏○一○天○雲○  
雨○度○雙○星○

曉窗小雨

湘○簾○朝○捲○問○晴○陰○綠○樹○風○敲○未○肯○寧○更○惱○鳩○聲○聲○最○拙○偏○能○將○  
雨○下○前○汀○

依闌晚眺

峯○陰○飛○翠○潑○山○樓○澆○入○詩○腸○字○句○幽○一○道○霞○光○輕○泛○水○金○波○千○  
頃○欲○鎔○秋○

枕上聽泉

泉○聲○似○解○妒○朝○眠○攻○破○騷○人○夢○裏○天○醒○後○不○知○江○吼○月○誤○猜○山○

雨戰屯烟

羊肚石

初平叱後仙羊換不信肝腸到底頑一肚皮中多磊砢我心匪石想同斑

秋夜月中得句

筆陣非秋無與敵詩城有月始能攻連宵畫得霜天譜引入楓林一派中

課農

坐領汀鷗一席沙晴光趁取課桑麻披襟不厭歸來晚鼓吹聲聞兩部蛙

雪夜有感

匝地六花迴絕塵玉堂高臥不全貧癡懷豈信人情薄莫或門

聞兩部蛙

雪夜有感

匝地六花迴絕塵。玉堂高臥不全貧。癡懷豈信人情薄。莫或門來送炭人。

北郭外

生生公案北邙塵。青草闌人春復春。莫笑各分三尺土。前身都是利名身。

墨酒

玄香太守署青州。洗硯池邊速酒籌。願與君為文字飲。張顛醉後可濡頭。

春夜月

一院烟雲一院春。焚香燒破利名因。柴門關住梨花月。不放清光照俗塵。

鎖烟溪感舊 昆明

菱荷秋晚度寒烟。人坐中流一鏡天。花草吳宮今已矣。沙鷗咽水自年年。

重陽登高不果

正欲登高訪舊游。不禁風雨苦淹留。陡然拾得黃花句。題到齋中壁已秋。

乙酉除夕病起憶舊

纔看燕子拂簾鈎。又酌椒馨酒一卮。三十夜前何所事。半年文字半年愁。

戒茶

玉川新有絕交書。七碗枯腸謝不如。茗戰年來兵欲寢。惟求一

枕到華胥

玉川新有絕交書。七碗枯腸謝不如。茗戰年來兵欲寢。惟求一

枕到華胥。

夏日賞蓮

朱顏一醉勝仙葩。號作人間解語花。誰似芙蓉嬌不語。雨淋鈴

後又生華。

唐明皇幸蜀霖雨彌旬棧道中聞鈴聲悼念貴妃因為雨淋鈴曲

藕心虛白最多思。幻出筆花別樣奇。一道霞光泛秋水。依稀如

見謝公詩。

長天碧水控雙鉤。菡萏花中見月浮。為愛晚烟能避暑。大家消

受一帆秋。

酒船衝破水雲渦。常倚花神得醉多。采采當年傳越女。只今還

恨不同舸。

採蓮曲

唐詩集卷之六

刪後草中

五

不須何粉並韓香。笑指蓮花認六郎。就裏芳心絲在藕。癡兒只解看紅粧。

並蒂三生命亦慳。如花嬌態勝紅顏。約郎願作鴛鴦鳥。同泛扁舟時往還。

紅牙白紵藕花灘。舟也沙棠槩也蘭。誰似歌喉珠一串。青青葉上雨初殘。

曉粧

春風睡足海棠紅。鬢亂釵橫理未工。坐倚菱花嬌靨影。一鈎新月綠雲中。  
新月謂梳  
綠雲謂髮

丙戌誕日病起

九十春光病裏過。藥烟終不禁愁何。傷心此日懷生我。七載詩

篇廢蓼莪



九十春光病裏過。藥烟終不禁愁何傷心。此日懷生我。七載詩

篇廢蓼莪

咏陶淵明

出處偏逢晉宋交。先生有托隱漁樵。願將晚節黃花老。歸去何曾為折腰。

咏西施

固寵從來欲鑄身。紅顏未必盡成塵。秋波沼卻吳王國。莫網西施別贈人。

感王密餽金事

中宵一餉亦含羞。不解錢神恥暗投。誰似而今行賂者。公然白日賂黃鏐。

浮石庵感舊

庵為吾屏陳副使。虛白別墅在屏湖之南。後為許弁所有。易名柱石。頗華飾。今盡荒矣。因

感王安石詠謝公墩詩云我名公字偶相同我屋公墩  
在眼中公去我來墩屬我不應墩姓尚屬公昔人有與  
死人爭界之  
誚為賦此詩

中流一柱豈能支須信浮雲有盡時安石墩前無定評孰王孰

謝自知之

睥睨雲山一世雄青山依舊白雲封荒村鬱鬱嵐烟起猶恐屯  
兵夜起烽  
曾經海市結層樓占斷風光不肯休  
草綠林秋  
假令主人猶可作忍看烟

謝家山

家門遙對謝家山每睇青山一解顏此日登高舒望眼家園宛  
在畫圖間

中秋待月

在畫圖間

中秋待月

屯雲似解妒金波。兀坐花間待若何。猛一低頭餘樹影。仰天知是月明多。

燈影

先會大父有美人四影詩謂水中帳中鏡中簾中予廣燈月為六影因補二絕

為愁花睡照紅粧。細剪燈花引恨長。屏上踏歌應解語。魚膏偏映舞臺光。  
東海有饒魚取其膏為燈照紡織則暗照筵席則明

月影

霜娥似解鬪雙鬟。玉鏡臺空一色含。現美人身為說法。蛾眉不妒卻成三。

雨後山

烟樹空濛碧一灣。偶緣陰雨失青山。有時雨霽看山色。別有清

龍虎堂集

雨後山中

七

涼入署間。

讀太史史蕉飲姑山詩戲作

漫言居處本無郎。對立彭郎竟不嬌。舉案直從天地老。翻憐湘女淚瀟湘。

秋夜泛舟和在孝廉墨樵韻

諱僕石屏人

取之不禁月。明天籠者輕雲。冒者烟。就裏扁舟能假我。一泓秋水伴鷗眠。

旅舍柳

回首章臺憶舊時。倚門愁絕雨絲絲。也知不折他人手。空寄關山笛裏思。

旅窗竹

蕭森池畔媚潺湲。徙倚清涼水一灣。何事東風敲太急。遲吾春

旅窗竹

蕭森池畔媚潺湲。徙倚清涼水一灣。何事東風敲太急。遲吾春夢到家山。

旅窗夜雨

怎教客寓夢魂牢。碎滴鄉情怯雨驕。差幸主人能慰客。不從窗外種芭蕉。

臨安東城樓

百雉城高獨此樓。萬家烟火望中收。願將天半清涼境。賣與人間富貴秋。

柳枝詞

青青客舍外離憂。黛想纖纖腰。想柔應是閨中窺。不見故教夫婿覓封侯。

臨安旅舍清明

杏花村酒香難尋。一月羈栖直到今。寄語兒童休插柳。恐教人起故園心。

社翁雨細徧芳垆。又早春園客夢醒。撲斷花塵香欲滴。萊山應比煥山青。

寒食清明曲水頭。連朝上巳又春游。相期社鼓勤催飲。潦倒風前醉不休。

過故侯塚

侯王一樣塚纍纍。輕薄春風故作威。半束紙錢消不得。也教吹向滿天飛。

白榴花

石。姝。縞。素。試。新。粧。不。接。紅。裙。妒。女。娘。豈。爲。炎。蒸。人。避。暑。叢。林。故。

白榴花

石。姝。縞。素。試。新。粧。不。接。紅。裙。妒。女。娘。豈。為。炎。蒸。人。避。暑。叢。林。故。  
與。凍。晴。霜。

榴園避暑

皺。紅。開。遍。百。餘。株。匝。地。清。陰。當。草。廬。竟。日。渾。忘。天。氣。暑。偏。從。榴。  
火。借。涼。居。

蕨

仙。掌。欲。舒。怯。露。涼。南。山。采。采。更。憐。香。時。人。莫。厭。春。蔬。薄。千。載。清。  
風。續。首。陽。

旅燕

雙。飛。旅。燕。入。雕。梁。繫。足。驚。人。別。路。長。欲。報。平。安。何。處。是。烏。衣。巷。  
裏。笑。同。鄉。  
予所居巷以王家名舊署門  
有烏衣巷裏第一家之語

碧蓮臺無蓮

危臺高踞樹陰涼。風吹波痕皺碧裳。縱不銀塘花十里。也宜綠野看新秧。

秋海棠

仙掌參差葉倒垂。嬌紅如醉借風支。露臺夜飲天膏渥。恰是明珠出蚌時。花形似蚌甲

與蘇橘仙玩月

竹影蕭蕭掩石床。月光慣見舊蘇張。兩人豈是前身者。博得清閒入晚涼。

久雨

自是雨師侵職久。非關日馭曠官多。惜金那得扶桑影。沉璧徒

聞瓠子歌。



自是雨師侵職久。非關日馭曠官多。惜金那得扶桑影。沉璧徒

聞瓠子歌

波中菰米半沉浮。應鯉風行未肯休。溪鳥也知泥滑滑。時從雲

外喚開溝。九月有鯉魚風

雨中寄楊岳卿

蒹葭采采露為霜。驛路驚看一葦杭。秋興逼儂思戀友。伊人宛在水中央。

咏楚烈女和舊韻

忠魂自古葬鴟夷。烈女泉臺枉獨悲。聞說西施曾赴水。幾人江上有餘思。

冰心自矢嫁馮夷。句寫湘裙字字悲。在是洞庭能飲馬。莫言江漢可求思。

題寅揆先生醉菊臺

籬邊攜酒醉陶公。波及黃花暈酒紅。我亦矇矓舒醉眼。疑從陸

海度荷風。菊多荷花色

幾回繞徑被花欺。矯首看花總不宜。特地臺升三尺許。憑闌俯瞰最高枝。

高臺戲馬笑雷同。醉菊臺成亂菊中。載得花前三四侶。也應清似竹林風。時七人

十月采菊共桃花置瓶中

東籬秋老剩殘香。又早嬌紅鬪雪忙。可是黃金能買笑。朱顏冷苑也春光。

元夕瓶梅對菊

張燈呼醒玉梅魂。金粟何緣有夙根。信是催花同火速。寒枝亦

苑也春光

元夕瓶梅對菊

張燈呼醒玉梅魂。金粟何緣有夙根。信是催花同火速。寒枝亦喜向春溫。

雪

月明疎影暗香侵。晴雲飛飛點玉琴。更喜黃花開獨久。不辭一刻餉千金。

天教白帝署青皇。驛使傳來徑不荒。寄語高樓頻吹笛。霜英本不墜寒香。

人面竹織柄戲作

玉笋班聯浥露香。笑看輕粉貌何郎。本來面目元多節。抵作擎天一柱長。

築牆

縈青繚白擁前關。環堵蕭然十畝間。卜築任加三尺許。舒眸總

不礙雲山。

擬游寺不果

生平一諾抵千金。況有名山副素心。何事勝游期獨久。說從秋杪到而今。

西寺和韻

拄笏溪前揖遠山。烟鬟輕點鷓鴣斑。西來爽氣清於水。不使紅塵到此間。

紅梅戲嘲某孝廉

稜稜傲骨倚山阿。脫白爭傳第一柯。何事冰心微帶染。春圍便覺報顏多。

自嘲

生計如鳩豈盡乖。十年欲字尚無媒。囊中自檢還羞澁。莫或窮

自嘲

生計如鳩豈盡乖。十年欲字尚無媒。囊中自檢還羞澁。莫或窮神去復來。

荷珠

凌波翠蓋獨青青。載得珠璣不肯寧。莫道走盤輕漾碧。鮫人遺淚本零星。

誕日

集藥名

人生遠志本懸弧。自撫胸藏但有書。莫教烏頭甘遂老。豫知秋字到蟾蜍。

卜晴

馬鬃連滴已灑灑。石補天穿恐不能。水鳥一聲呼月醒。兒童驚喜是晴徵。  
屏中聞水鳥聲有一晴二陰之謠。最驗俗呼水呱以聲如兒呱聲也。

百鬼志卷之二

二

刪後草中

三

更遊  
皮陸

垂釣和韻

畫船輕颺碧沙頭。意釣悠然付水流。漁利漁名成幻想。一竿風月自休休。

脫字

西湖巡幸擬

澤國春游入望賒。歌臺以外盡桑麻。多情尤有西湖柳。時引君王一駐車。

二白不叶唐人亦足之

耿耿星橋列炬中。彷彿銀花火樹同。君心自比光明燭。照得蘇堤十里紅。

臨場寄友

莫嫌花面買燕支。肉眼元來不解奇。寄語風流京兆手。得聞好畫入時眉。

臨場問星士

莫嫌花面買。燕支肉。眼元來不解奇。寄語風流京兆手。得聞好畫入時眉。

臨場問星士

文章滿腹不瘳貧。聞說今年運轉新。見獵中原心不冷。斷將秋信問星人。

元日

曙光初轉最高岑。陽谷波紅雲不霽。翹首長安懷萬里。小臣深有向陽心。

戊子秋宴歸馬上口占

鹿鳴宴上漱瓊漿。笑飲天波喜欲狂。攬轡歸來詩思好。披襟猶染桂花香。

旅中清明足唐句

新火烟寒籠碧紗。高樓疎雨坐排衙。村醪正擬澆墳土。歲歲清

明不在家。

舟中

坐。艤。扁。舟。學。采。菱。蘆。花。疎。影。礙。魚。罾。輕。陰。坐。我。清。涼。國。笑。飲。仙。螺。酒。一。升。

即事

詩。癖。經。春。難。可。除。沉。思。幾。度。掇。蝸。如。近。來。頭。腦。冬。烘。甚。散。步。花。園。不。讀。書。

西湖中畫山

烟。波。染。翰。畫。青。山。塵。世。天。台。直。等。閒。何。事。在。風。爭。曳。紙。不。彩。仙。境。落。人。間。

村夜

臥。聽。霜。天。曉。角。哀。臨。窗。月。影。獨。徘徊。擁。衾。無。賴。秋。同。寂。時。有。寒。



村夜

臥聽霜天曉角哀。臨窗月影獨徘徊。擁衾無賴秋同寂。時有寒雲入夢來。

小水城湖中

淡淡春雲擁碧紗。尋僧人到梵王家。扁舟雨際縈青浦。落葉風前走白沙。

閏七夕

天孫昨夜怨寒盟。帝遣銀河兩度清。一歲佳期緣巧合。隔年好會得雙成。

乾陽晚眺

萬木蕭森晚日暝。夜深村火移天星。調高不羨陽春曲。載酒酣歌入漢青。

雷硯堂集卷三

旅夜雨

滿天風雨客魂驚。滴滴空庭近五更。欲睡不能醒。不敢最難耐。是打蕉聲。



雷硯堂集卷三

刪後草下卷

孝詩攷引

留硯堂集卷三

刪後草下卷

石屏張

漢月槎詩稿

姪孫

孝詩敬刊  
軒傳恭校

七言律

西湖水樓

樓居自古屬神仙。懶上蓬山喜近泉。釣月床頭磯是枕。耕雲窗外水為田。四虛太素無塵地。一坐空明不夜天。陸海風波成底事。忘機且共白鷗眠。

數椽茆屋水雲偏。俯仰乾坤共一船。枕上濤聲攻午夢。門前海氣滌塵緣。坐浮玉鏡元無地。家在冰壺別有天。湖似倒壺形竟許烟波尋釣叟。筆床茶竈蓼花邊。

大水城

異龍湖中

留硯堂集卷三

刪後草下

數點青螺浸碧空。卜居海嶠卽方蓬。諸峯半落千波裡。三島平分一水中。枕上有窗春浪白。門前無路隔塵紅。烟光買斷誰爭取。人世升沉付楚弓。

陆音洪

已卯秋日過安阜園舊址

昆明陆山下

陆山鬱鬱古林邱。髣髴姑蘇麋鹿遊。玉樹歌殘雲已斷。錦帆人去水空流。繁華總入三春夢。野草偏搖八月秋。不盡寒蛩憐夜雨。聲聲泣訴吳宮愁。

庚辰元旦

唱徹雞人夜色闌。曙光初轉列椒盤。紅搖燭影風方動。碧射窗紗星未殘。爆竹幾聲催臘盡。香烟一縷怯春寒。等閒湧出瞳瞳日。拜舞中庭戲綵歡。

雪中小飲

日。拜舞中庭戲綵歡。

雪中小飲

冰輪誤擬照晴窗。攜得村醪對雪嘗。銀海輕搖寒起粟。玉山斜倒醉成鄉。尊前竹葉春常滿。檻底梅花凍不香。我欲旗亭爭畫壁。送敲險句入評章。

壬午春暮送楊岳卿之浙臨安縣外舅任

游絲罨畫拂行鞭。一曲驪歌尊酒前。爲向椿庭陪鯉對。欲從花署報鶯遷。囊收驛路三春錦。詩湧江潮八月天。別後梅開頻寄我。西湖遙指暮雲邊。

聽琴

奇賞由來爨下尋。人間何處覓知音。漁陽漫作催花使。中散還耽對竹吟。張以春風聲嫋嫋。鼓之秋月夜沉沉。有金欲鑄鍾期。

耳常聽絃中流水心

戒酒

先會大父有此二詩因感以自儆

懶向青州作酒民。酒泉以外獨醒人。糟雖成壘元非富。麴不封侯亦未貧。欲撥秦灰燒醉籍。莫傾陶甕飲頭巾。吾生忍斷杯中物。漫遣春江入夢頻。

謹言

桃李不言亦自春。寧須巧語類猩唇。推敲莫道成詩癖。文字懸知與禍鄰。有石易消圭裏玷。無金能鑄廟中人。可憐駟馬追何及。舌在常羞學說秦。

定風珠和韻

摧倒狂飈一陣橫。夜光耿耿出瑤京。護花不倩幡爲鎮。照乘還

看月與明。特地鮫人新有淚。移時少女靜無聲。風波世上今如

摧倒狂飈一陣橫。夜光耿耿出瑤京。護花不倩幡爲鎮。照乘還

看月與明。特地鮫人新有淚。移時少女靜無聲。風波世上今如許。那得靈珠到處平。

大水城訪家雲卿不遇

爲卜詩鄰得得來。一艇閒度水雲隈。御膺未遂登龍願。訪戴空乘畫鷁回。愧乏新詩在青壁。恐妨屐齒觸蒼苔。渴塵萬斛今如許。敢做呂安題鳳才。

先大父葆孺公卒戊寅至癸未補南寧教諭身後之榮書

此誌感

川中宰相地。行仙從事赤松已六年。忽遣丹書隨鳳下。從來黃土報鶯遷。茂陵封禪本無草。杜甫文章尙有箋。一井野心雲葬久。祇將詩謝九重天。

唐玄宗還南內思杜子美詔求之已死未  
陽聶令積空土江上曰已葬此間之上

修竹山前老一邱先生舊與白雲游客星有足橫天子處士無  
腰媚督郵蝸戰元黃空幻影貂垂青紫總浮漚從來此意幽人  
識泉石膏肱已不瘳

北山何用更移文歸去陶云我亦云懶絕温裾緣有母恥餐周  
粟豈忘君偽周促之任烟霞夢冷官嫌熱忠孝家傳史獨芬一  
枕槐安天地老不須重訊淳于夢

名心死後舉成灰華表經時去不回何以官為輕似葉總之夢  
也幻於槐滿盤皆藉偏無牙繞徑蓬蒿尙未栽一望箕山空有  
塚年年風雨動人哀

蘆花烟冷釣魚磯處士遙占失少微骨許千金還有在庭亡一

鑑竟何歸流風死後存親愛捷徑生前笑昨非假令九原猶可



蘆花烟冷釣魚磯。處士遙占失少微。骨許千金還有在。庭亡一

鑑竟何歸。流風死後存親炙。捷徑生前笑昨非。假令九原猶可  
作也。應無夢逐熊飛。公若在今年垂八十

何人視草誤陶陰。時誤書名為佐漫捧天書出紫宸。賜以福名非避

帝。易為祿字豈投秦。市中無自呼韓子。榜下曾經塗拱辰。諸生試優

等時榜亦誤。從此埋名應更穩。翹車免被鶴猿嗔。

吾家舊物本青氈。敢道青氈不耐寒。勝國未承延世賞。前明恩廕刺史

不興朝。屢辟廣文官。征車豈厭長安遠。延試不赴世路應憐蜀道難。

先會祖。一自天波深似海。返魂轉恨乏金丹。

喜心倒極復沾巾。五載高堂數獨屯。兩子承恩天且吝。先大人與

先叔父。同應一心卻聘。帝何頻買山。豈怨黃金少。抱璞終憐

貢俱不果。白壁真持硯。中庭遺恨久。不堪重理父書新。

賦擬凌雲去後思。老臣生豈不同時。何緣槁木殘根盡。始及陽春惠露垂。只恐繡魚牽恨早。寧嫌隴鶴報書遲。天弢解後弓藏久。卻有遺模更作箕。時家世父應貢

雪夜放舟

衝寒昨夜覆孤篷。訪戴山陰興若同。渡口參差銀作浪。橋頭隱見玉為虹。蓑飄蘆絮常驚白。船載梅花訝不紅。釣罷澄潭歸去晚。幾家烟火亂流中。

踏雪

寒郊一路聳詩肩。柳絮輕飄帶雪妍。玉海無塵鴉羽澗。銀沙有印馬蹄鐫。依闌笑指童山老。繫船翻憐弱水堅。報與農夫休悵望。六花飛處盡豐年。

飛花

望六花飛處盡豐年。

飛花

飛花一陣傍風狂。半入碧空半草塘。片片織成鋪地錦。飄飄吹散滿庭芳。嬌同飛燕掌中舞。翠點壽陽額上粧。我欲借茵貪睡穩。夢魂猶自襲餘香。

昨夜西風挾雨狂。紅英點點落方塘。舞同迴雪還輪艷。影逐飛霞更帶芳。綠野坊中堆碎錦。蒼苔砌裏絢紅粧。溪邊一任隨流水。惹得漁人滿棹香。

壽昆明楊崑石七十

華山不老拂雲開。下有人兮養聖胎。地上神仙丹是棗。山中宰相鼎無梅。耆英會飲初成社。甘谷爲家慣學孩。兩鬢未星鬚未雪。管教銅狄摩千回。

送朱廣文奏雅致仕歸賓川

歸去來兮歸去歸。行年五十重知非。戰蝸已厭功名薄。揮麈翻  
憐心事違。潘鬢無絲偏耐老。陶腰不釐豈常饑。熬籌世網宜高  
隱。見說征鴻避弋飛。

庭中羣士響然臻。同是春風廿載人。桃李蹊成都有蔭。菊松社  
冷漫求鄰。銜標退叟官嫌熱。坐擁書樓道不貧。贖取漁磯供釣  
穩。點蒼石畔一閒身。

元宵卽事

癡情無賴醉紅裙。扇底桃花帶酒醺。青玉案平歌是雪。黃金縷  
細舞爲雲。探春借問春多許。卜夜還愁夜欲分。一刻千金消不  
盡。也須買笑屬文君。

盡也須買笑屬文君。

月梅

美人林下鬪嬋娟。載酒花間別有緣。醉倚窗前猜雪夜。夢回枕上認霜天。冰魂影沁冰輪潔。玉骨香浮玉鏡鮮。一曲霓裳掩前古。廣寒那得咏梅篇。

學使魯峯魏夫子會諸生講學明倫堂彩雲見丁亥二月

初五日也

頻年藻鑑笑迷雲。此日披雲五色分。碧簡青編爭爛熳。瓊枝寶蓋匝繽紛。朝霞瑞靄光分杏。燃石香飄氣雜芸。文在夢中花在管。與排筆陣壓千軍。

房東壁書牖產雙芝

堦前綠滿未曾刪。瑤草叢生不等閒。囊裏金龜供坐穩。函中木

鳳與雲。願芸窗。秀拂雙莖紫。蘭畹香浮兩蒂斑。識取科名杜荀鶴。一時佳句滿人間。  
杜荀鶴舍前椿生。芝明年及第。號科名草。東壁戊子鄉舉。斯言亦驗。

半面美人

朱顏欲晤又多偏。半面相逢亦有緣。秋水為神剛一轉。春山如畫欠雙妍。背人彷彿無情態。顧影分明識遠仙。不事回頭驚笑語。徐妃側對看應全。

答任墨樵韻

趁取春光鬢未秋。倚天拔劍薄青鞵。驚看日月飛雙駿。笑指功名戰兩牛。詩膽讓君推白社。醉鄉容我署青州。同心鬱鬱香蘭蕙。莫負交期到白頭。

蓮塘

江澄匹練盪輕篙。菡萏香中泛酒瓢。竿影波回蛇走曲。潮頭風

江澄匹練盪輕篙。菡萏香中泛酒瓢。竿影波回蛇走曲。潮頭風捲鷺橫驕。醉人花氣同藍尾。媚我鶯簧當綠腰。為趁晚涼披爽豁。塵腸總受翠微澆。

普淨寺

寺最多竹在寶秀鳳凰山之麓前有團山營陸龍二會相繼屯兵舊城也

琳琅竹影入秋清。寺隱寒烟接舊城。碧灑蛛絲飛雨碎。青攢鳳尾亂峯橫。容顏自喜開塵甲。犄角何勞起戰兵。不見當年屯壁者。團山營畔草菁菁。

白燕

玄鳥依然認卻非。投懷有夢到疎幃。茅山羽細凌霜早。芝曲光寒沁雪肥。無影祇緣穿素幙。多情故與換烏衣。前身豈合釵頭玉。化作仙翎伴鶴飛。

素羽輕盈。涅不緇。酒泉郡裏結窠時。珠簾繞遍。霜飛疾。畫棟樓來。雪點奇。尾剪梨花看弗見。泥啣柳絮。語方知。冰心只合歸姚。塚愧殺昭陽。妒色癡。酒泉郡有白燕

蒼鳥白雁。詫禽經。燕燕相看做罇形。化石羣飛。偏染露。蹴波浮影。忽流星。故人恩重心元潔。素女粧成黛不青。玉卵自知殷尙白。有娥符瑞有餘馨。

乍可飛飛點玉堂。相看不是雪衣娘。冰絃雅稱歸風操。露井能藏閉月粧。閑客陡驚排澁去聲尾。鶴孫誤指卸玄裳。素心擬學張公子。合璧交栖未肯忘。

似曾相識見還驚。貼地爭飛浣月明。藻井烟沉光不夜。芹塘泥涴羽偏瑩。許從白鷺洲中集。卻是烏衣巷裏生。願我喃喃嬌學

語。繞梁。比作雪兒聲。



澠羽偏瑩許從白鷺洲中集。卻。是。烏。衣。巷。裏。生。願。我。喃。喃。嬌。學。

語。繞。梁。比。作。雪。兒。聲。

棋子桃

蕢。實。縹。肌。絕。比。倫。丁。丁。欲。佐。手。談。人。漁。郎。迷。路。緣。當。局。樵。子。窺。  
枰。訝。已。春。着。向。晚。風。玄。觀。裏。敲。殘。曉。月。武。陵。津。橘。中。不。減。商。山。  
樂。坐。隱。何。須。學。避。秦。

臨安寓中三月三日值清明徑中得菊

離。家。不。忍。徑。全。荒。問。酒。村。中。得。淺。黃。甘。谷。有。仙。臨。曲。水。長。安。多。  
麗。媚。潯。陽。餐。英。會。飲。春。醪。渥。采。芣。人。連。秋。圃。香。燕。燕。于。飛。驚。社。  
早。幾。疑。霜。老。欲。還。鄉。

秋興八首遵杜韻答退庵先生

黃。葉。蕭。疎。不。滿。林。一。庭。修。竹。自。森。森。誰。家。繞。樹。畱。清。响。有。客。攜。

琴枕夕陰極目平沙千里雁移情流水十年心美人遲暮兼葭  
冷厭擣孤城落日砧

北斗橫天落月斜遙憐紫氣識張華豐城未啟非無劍河渚重  
來亦有槎問擬蒼生前 帝席騎聞清嘯動寒笳 上建國醮劉州牧鞠賦

計偕自許攄長策笑指疎槐已著花

江澄匹練憶立暉秋雨秋風暑力微鶴夢九齡聞子和 張九齡生時夢

九鶴降庭故名是秋 雁橫雙羽帶羣飛蘭花佩久香還合桐葉  
予舉子小字鶴齡

詩成願不違 時為子聘 五岳有盟婚嫁早他時免笑食言肥

一病驚心疑累棋贏來宋玉幾多悲怒投趙璧三年後渴想金

莖八月時面學黃花經瘦早脾填白朮奏功遲年年賸有尋詩

癖不盡秋濤筆底思

招隱頻年入小山一枝擬託上林間天香滿袖清於夢月影當

癖不盡秋濤筆底思。

招隱頻年入小山。一枝擬託上林間。天香滿袖清於夢。月影當門靜不關。硯作田耕因有舌。囊愁金盡動無顏。西風昨夜噓新。擗添得堦前玉笋班。

菡萏花深碧海頭。紅衣未老尚宜秋。扣舷且續坡仙賦。蕩槳休爲越女愁。積水空明沉遠樹。水與波上下在輕鷗。我生擬作西

湖長坐渺山城一斗州。

西湖觀荷

盟府何年策酒功。澆書每泛酒缸中。笑將從事封齊郡。欲補離騷作楚風。讀史霜前浮一白。敲詩月下寫三紅。世人皆醉伯倫醒。大塊茫茫托醉翁。

萬峯深處路逶迤。莎滿園林竹滿陂。螢化冷金甍。凍草風敲寒。玉響孫枝陶輿白。社齋琴入謝屐。青山帶月移。卽境隨人一長。

嘯不教兩鬢待霜垂。

秀山寺和韻

名藍選勝快清游。結社依然入虎坵。繞寺山疑屯壁壘。縈湖島似負圖疇。松邊野翠清如澗。竹裏溪雲靜不流。破戒無嫌僧對飲。蒲團箕踞恕科頭。

宿宗祠和韻

更殘未忍閉椒圖。有客清吟月滿湖。對酒願留高士榻。食苗且繫伊人駒。風濤亂落琴三疊。山水新成畫一厨。刻燭漫言詩思苦。揮毫君已得驪珠。

何天成耕樂園看梅

梅花亭下水潺潺。載酒尋春意獨閒。凝碧方塘橫一鑑。護香小

院結重關。佳懷有句仍東閣。大隱無文移北山。流水落花春不

梅花亭下水潺潺。載酒尋春意獨閒。凝碧方塘橫一鑑。護香小

院結重關。佳懷有句仍東閣。大隱無文移北山。流水落花春不  
老。引人雞犬白雲間。

又步壁韻

飄飄風細漫吹衣。信步支筇入遠扉。怪石亂排怡鶴徑。中有怡  
鶴亭  
梅花輕點釣魚磯。庭餘老樹陰猶渥。室有頑雲凍不歸。一水灌  
園成甕拙。丈人心事本無機。

元日梅瓶對菊

戊子

取次東風拂酒香。今年花信不尋常。辛盤擬續餐英會。甘谷猶  
傳益壽方。何遜閣中仍舊譜。羅含宅畔有奇芳。高柯自喜逢春  
早。笑指霜莖已破荒。

無影梅

日月下俱無影在  
坪寶秀蘭若寺中

菩提無樹大梅惺卽色卽空迴絕塵卻怪冰魂難寫照可憐月  
魄枉傳神枝橫淺水清如許樹比閻浮幻不真三影郎中驚擱  
筆瑤臺呼掃爲何因

砌鹿神踪

在屏五畝田間三石相傳一鹿二犬所化

曾是宜春苑裏游頻年高臥入荒坵發蹤有意人何在吠影無  
情犬獨留月冷蕉隍聲杳杳風回萃野韻呦呦中原幸值安磐  
日黃耳毋勞捷足謀

柳下

緩步城東入翠微濃陰冉冉礙晴暉曲塘風細波千折夾岸烟  
深柳一圍倚蓋初疑雲有影披襟漸覺暑無威踏青此地宜芳  
草袖得詩筒不忍歸

再咏白燕爲河西翟令作

草袖得詩筒不忍歸。

再咏白燕為河西翟令作

表瑞中庭啟玉筐。水晶簾外影微茫。晴先染桃花艷。赤日掠屋  
行看柳絮長。賀厦何年留粉署。占星幾處識瑤光。縱觀不是烏  
頭白。正恐飛來五月霜。常孝廉  
誣褫職

午睡聽雨

一枕從容出蝶鄉。蕭蕭疎雨過迴廊。翻身竟與秋同被。放眼經  
來雲滿床。山字屏邊低送響。水紋簾裏細生涼。清風習習消煩  
暑。又引幽人午夢長。

賦得樹影月中寒

楊師道句  
郭撫軍觀風

芳陰滿徑綠叢叢。翹首冰輪訝已東。玉案沉吟思對友。瑤臺慵  
掃漫呼童。乍窺鳥夢窗初靜。淡倚花魂院不空。一片秋光誰得

似參差荇藻碧流中

筆山對雪和韻

筆陣橫空白戰豪。六花剪碎勝并刀。洲邊遠樹三峯出。天際孤雲百尺高。玉案平鋪工寫韻。銀河倒蘸笑呵毫。丹青詎有通神手。竟使童山點二毛。

擬秋閨怨應制

限一二三四五六七八九十百千萬單雙丈尺兩半等字並韻

萬里橋橫六七溪。兩人咫尺隔天西。單衾幾如雙飛雁。一枕常聞半夜雞。九秋光腸已斷。百千愁緒丈難齊。月華二入星三五。思楊升四壁霜禽傍我啼。

雙色桃花步韻

天台二女鬪芳妍。春色平分各一邊。淺碧深紅都中酒。淡粧濃

抹未勻。腮助嬌容冶。顰羞效問渡人迷。眼欲穿桃葉。桃根俱不



天台二女鬪芳妍。春色平分各一邊。淺碧深紅都中酒。淡粧濃

抹未勻。腮助嬌容冶。顰羞效問渡人迷。眼欲穿桃葉。桃根俱不  
如譜成華萼。倩伊聯

暮春對雪限韻

誤指梅花重覆村。誰知白戰向春屯。松披玉練成龍甲。燕脫烏  
衣化鶴孫。鋪地作天光不夜。抹山為水浪無痕。落紅幾度燕支  
冷。一陣香飄接杏園。

祝家世父閏壽

萬壽後一日

稱觴依舊醉春風。笑飲桃花兩度紅。鑑寫千秋期再上。歷逢五  
閏喜從同。生元五逢閏三月耕田課雨心常熱。戲綵披雲貌若童。三十  
六峯天不老。一峯一歲祝吾翁。二十六峯借用公年六十四言百歲尚有三十六年也

榜後謝品亭黃夫子書篋

十載荆山抱璞人。今逢哲匠發硎新。挹君雅量波千頃。鑑我文  
心月一輪。知己漫言金可報。近光先喜玉為鄰。公門夜雨濃如  
酒。醉著桃花幾樹春。

刊試卷

說音部

奇癖經年舉欲刪。投針幾度耐磁頑。喜蒙慧眼澄秋水。笑取時  
眉學遠山。悔作雕蟲猶小技。偶能窺豹豈全斑。大慚大好知何  
補。覆說相逢亦赧顏。

過桃園馬上作

東風沉醉桃花香。躍馬人過轉夕陽。紅雨斜飄英滿徑。赤虹遙  
度影橫塘。漫游豈倩金為勒。得句平分錦作囊。三十六株春不  
老。愧無村酒答春光。

勒音的  
馬羈也

冬日

老愧無村酒答春光。

冬日

雀尾烟寒揀玉蕤。攤書無賴坐披帷。呵毫未許勞宮媛。滯茗何能借黨姬。鶴語堯年寒不減。犬迎越雪冷難支。詩成願與旗亭友。笑指雙鬟寄所思。

新燕

喚起春愁夢亦驚。啾啾燕語作新聲。故人未老曾相識。公子初逢便有情。卜壘泥沉飛絮亂。捲簾風颺落花輕。雲軒莫道無消息。乍喜歸來屢不傾。

春日東任靜若兄弟適齋期不至戲嘲

舌底青蓮韻獨佳。兵厨空負酒如淮。韭嫌破戒偏勞剪。麩引逃禪竟不懷。何準無端諛繡佛。太常寧忍犯清齋。他時更肯迎羌

渴拍手呼童應六街。

杜甫詩蘇晉長齋繡佛前醉中往往愛逃禪逃禪因酒而離禪非歸於禪之謂也

初晴

一滴泔泔勞雨師。湘簾乍起拂晴曦。寒花破泣皆成笑。弱柳含顰獨不支。鬪蟻堦前屯戊巳。渴虹澗底別雌雄。隨車莫道成虛語。盡飲商霖十日滋。

春興和韻

貫

出郊何事獨歸遲。徙倚中林結遠思。貫酒當前懷賀監。擁琴無處覓鍾期。聽鶯小院黃金縷。繫馬芳原白絡絲。屈指花朝春不老。未須便擬送春詩。

竟典羈裘不可衣。曲闌風暖避晴暉。歸來花市香猶濕。醉倒松

題  
音魂

林興欲飛被酒人。從春社散捐租吏。比石壕稀年年怵舞昇平。

竟典鱗裘不可衣。曲闌風暖避晴暉。歸來花市香猶濕。醉倒松  
林興欲飛。被酒人從春社散。捐租吏比石壕稀。年年怵舞昇平  
日。笑走風塵計恐非。

春初試筆

細舐霜毫飲墨池。松烟雲氣雨淋漓。欲書病後難工楷。縱懶花  
前不廢詩。有酒易消聽雨夢。無錢仍訂看山期。人生宜換封侯  
骨。歲歲攤囊恐筆嗤。  
蕭蕭松影落窗虛。翹首晨暉轉華廬。半榻青山雲歛後。一簾春  
水雨晴初。繁花醉我勤呼酒。好鳥依人靜讀書。坐擁辛盤無別  
物。呼童蕪茗擷園蔬。

壽胡節婦

筭總芳齡失所天。月明三五恨難圓。  
十五歲 懷畱乳燕經存縷。  
守節

刪後草下

操有孤鸞不改絃。角鼓千年推母識。絲綸十道被恩偏。程嬰

莫漫輕帷箔。彤管清名續一篇。

王敬則母為女巫。嘗謂人曰：敬則生時，胞衣紫色，應得鳴鼓。角人笑之曰：汝子得為人吹角可矣。及長，腋下生乳，長數寸。夢騎五色獅子，後果然。

何天成白牡丹開索賦

百寶雕闌籠玉仙。臨風一笑自嫣然。花開滿院皆臣妾。椿老中庭有歲年。國色無勞添酒暈。天香猶擬帶酥煎。買脂莫漫供時眼。貞白心含不染先。

張功甫椿樹上接牡丹。李昊以牡丹遺友，以興平酥同贈。曰：俟花凋謝，以酥煎食之。

寄上黃夫子解官歸里時欲謁見未果

驪歌幾度促雲軒。慚愧今春已食言。柳色青時縈客舍。桃花紅

處憶公門。未經執御都亭接。想見扳轅祖道喧。一水淵源懷舊

驪歌幾度促雲軒。慚愧今春已食言。柳色青時縈客舍，桃花紅

處憶公門。未經執御都亭接，想見扳轅祖道喧。一水淵源懷舊

里。珠江無盡是深恩。

珠江廣東廣州城南

廉吏可為不可為。今聞考績笑廉癡。漫言五斗腰難折，枉說一錢手弗淄。賈誼長沙元聖主，梁鴻海曲本明時。古來利器多盤錯，莫倚秋風長鬢絲。

彭澤歸來賦一篇。吾師有子更多賢。公亦五子登床課草成書癖，閉戶封雲放墨顛。飲水尙留高士在，投香豈讓古人先。家山舊隱不須贖，未肯攤囊計十千。

心如春錦筆如杠。俯視羣英舉欲降。文陣千秋傳海嶠，詩宗一派紹西江。奇光映日成金影，遺響臨風想玉撞。露浣薔薇思再讀，何時重寄鯉魚雙。

黃庭堅爲江西詩祖呂居仁爲江西詩派圖陳無已等二十  
五人爲詩嗣

郊行有感

村樹參差霧欲沉。幽棲直許傍川禽。水邊兀坐波翻袖。山際舒  
眸翠點襟。卽次尋花春有脚。等閒出岫雲無心。忘機只合江湖  
老。猶恐含沙中影深。

月下

小院沉沉帶竹扃。胡床夢冷睡初醒。攜來夜月琴三弄。醉倒庭  
花酒一甌。露氣平分仙掌白。山光隱峙佛頭青。連宵雅興清如  
水。車馬紅塵總不經。

夜雨尋菊

火速催花興亦狂。霜莖未老惜秋光。霏霏徑裏沉雲黑。點點燈

前冒雨黃薄暮。依人宜晚節。輕陰繞院有寒香。覓叢陶令今何



火速催花興亦狂。霜莖未老惜秋光。霏霏徑裏沉雲黑，點點燈

前。冒雨黃薄暮。依人宜晚節。輕陰繞院有寒香。覓蓑陶令。今何  
往。趁取東籬夜未央。

譙鼓聲中玉漏長。無端疎雨近重陽。折巾豈爲尋春韭。剪燭非  
緣照海棠。山鳥自呼泥滑滑。籬花已帶露瀼瀼。黃金滿院紛如  
許。借與清宵一刻償。

攜得村南舊酒瓢。偶成小隱爲誰招。黃花笑指來何暮。白眼仍  
憐醉不消。屈子餐英雖永夕。賓王冒雨未連宵。古人雅會兼能  
取。更喜衝寒典客貂。

庚寅誕日題名明倫堂

委形大塊溯吾初。返哺經年愧弗如。題雁未能推國士。續貂先  
許附賢書。一文笑指囊猶澁。半臂堪償麪有餘。翹首蒼穹無別

語不材似我願存樗。

唐玄宗后王氏曰陛下不念阿忠脫紫半臂易斗麪爲生日湯餅耶

新夏

留春無計送春歸。庭樹沉陰擁綠肥。入戶楊花爭撲面。隔窗榴火欲燃衣。簟紋靜倚清冰貼。扇影高擎明月揮。列坐不須澄水帛。竟忘蒸暑逼人威。

郊居雜咏

雨洗青桐一院陰。薰風幾度坐披襟。閒鷗海上忘機久。雌雉山中避色深。少有峯巒趨酒政。畧無塵土障琴心。小窗竟日聞春鳥。勝賡簫韶詒好音。

招隱山中不姓雷。蓬門深鎖亂雲堆。并無公事推松去。大有閒

情爲竹來。步步晚風攜鶴子。村村細雨喚鳩媒。臨風幾度支筇

招隱山中不姓雷。蓬門深鎖亂雲堆。并無公事推松去。大有閒

情爲竹來。步步晚風攜鶴子。村村細雨喚鳩媒。臨風幾度支筇久。袖裏新詩待客裁。

雷次宗字仲倫。不應徵辟。開館雞籠山。聚徒百餘人。上爲築招隱館。溫飛卿詩說與游人是姓雷。崔斯立爲藍田縣

丞。植二松吟。其間有公事推松日子姑去。

署繞峯巒翠作堆。綠陰深處少塵埃。倦吟枕上推山去。縱飲窗前索月來。半畝松聲半畝竹。一園花氣一園苔。高談笑指乘軒者。能得詩壇醉幾回。

杖底青山懶不登。崩雲疎處翠層層。花陰睡足三春夢。竹影清含六月冰。午後雞聲喧社鼓。晚來螢火亂漁燈。披襟野外天何濶。人世蕭然有髮僧。

鬱鬱村烟擁薜蘿。卜居懶上力田科。誰言濁酒三升少。不敵清

愁萬斛。多下榻。已逢高士臥。考槃先喜頽。人過尋春莫負尋。花使趁取春園踏踏歌。

卜築家園深復深。落花飛處晝沉沉。青天醉作樽前罨。流水聲傳樹裏琴。身對澄潭元有影。足來空谷豈無音。幽棲未許因人

熱。靜領冰壺一片心。

梁鴻炊食或為蒸火。鴻以水沃。熄曰童子鴻。不因人熱者也。

倒吸蒼巒酒一尊。義黃年世醉中存。醯雞漫說乾坤小。磨蠃堪憐日月奔。差許英雄差許佛。半宜城市半宜村。高懷剩有孤雲識。舒卷悠然總不喧。

夜光欲售恐無因。自古溪山屬散人。罄竹莫書花月相。倚藤常現水雲身。客談小院鸚能識。吏絕衡門犬不嗔。從此註書成大隱。漁舟勿負武陵春。

琴床夢起

隱○漁○舟○勿○負○武○陵○春○

琴床夢起

試○茗○風○微○裊○碧○烟○鶉○居○人○擬○坐○枯○禪○清○吟○孺○子○滄○浪○曲○靜○讀○莊○  
生○秋○水○篇○夢○破○松○聲○喧○別○院○詩○成○花○影○落○前○磚○閒○心○欲○寄○知○音○  
少○何○必○揮○琴○問○有○絃○

乾陽洞

巖○空○壑○邃○帶○烟○蒸○人○倚○高○峯○第○一○層○匝○地○羊○羣○奔○似○蟻○遠○天○燕○  
子○亂○如○蠅○敲○詩○靜○擬○無○言○佛○禁○酒○清○同○有○髮○僧○幽○思○只○聞○松○籟○  
響○不○干○鸞○嘯○傲○孫○登○

遠○樹○蒼○茫○萬○井○烟○層○巒○擁○翠○向○空○懸○息○吹○野○馬○窗○前○日○境○闌○醺○  
雞○甕○裏○天○上○下○桃○花○飛○別○澗○縱○橫○芳○草○入○晴○川○卜○居○人○在○清○涼○  
國○衣○袂○飄○然○恍○如○仙○

若

久雨

盈○盈○一○水○懸○清○秋○倒○落○長○空○挾○雨○流○生○計○不○堪○蛙○在○竈○人○家○端○  
似○屢○爲○樓○門○餘○水○漲○沙○呼○艇○兒○省○風○寒○計○贖○裘○幾○度○凌○波○思○解○  
語○西○湖○空○負○採○蓮○舟○

寄趙孝廉葭湄

聯○鑣○驛○路○兩○駢○駢○卽○次○春○上○染○綠○肥○我○欲○青○錢○邀○市○選○君○宜○白○  
壁○抵○城○歸○何○緣○祀○柳○心○同○切○竟○使○看○花○路○總○非○此○去○桑○榆○期○未○  
晚○不○須○戈○倩○魯○陽○揮○

武○定○袁○孝○廉○偉○彥○公○車○死○荆○門○未○知○旅○櫬○還○否○詩○以○弔○之○  
招○魂○黯○黯○楚○江○邊○旅○館○逢○春○又○一○年○白○玉○樓○中○虬○已○駕○黃○金○臺○  
畔○駿○空○懸○思○深○溟○海○孤○雲○曲○夢○繞○荆○門○落○月○天○驛○路○詩○成○今○擱○

筆墨痕應與淚痕鮮

畔駿空懸思深滇海孤雲曲夢繞荆門落月天驛路詩成今擱

筆墨痕應與淚痕鮮

五色鳳仙花

彩鳳何年下碧虛庭花歷亂九苞餘光分漢武披雲日種傍媧  
皇煉石墟簫引秦樓人去後夢回江管露零初托根可近絲綸  
閣借捧天朝五色書

秋杪

半窗疎雨半寒烟炙手熏籠火欲然枕上有書教破夢床頭思  
酒訝無錢蒹葭白露人千里菰米沉雲賦一篇采采黃花秋未  
老悲秋起拂冷金箋

村居話友

風帆沙鳥入江天坐枕江流足永年雞犬芳踪山月裏漁樵佳

話水雲邊波沉匹練心同白樹少驚瓢夢亦堅此地幽人堪卜  
宅一村松竹一村烟

溪花溪鳥總無名宛轉峯迴路幾更流水聲中聞客笑青山影  
裏見人行秋風裊裊寒烟直晚樹茫茫落葉輕對此支筇聞絮  
語為憐芳草一班荆

僧舍後白玉如濟池種花索賦

見說拈花亦解顏梵王宮闕水雲間塔分碧溜穿城入樹繞芳  
塘帶月灣魚可縱鱗追丙穴人疑攜手到香山晨鐘已靜非非  
想身外浮名舉欲刪

慰勞

間關入夢怯塵侵倦羽幽棲返碧林去國一身寒雁影違山十

里蟬蛩吟相思萼菜西風約不負薰葭白露心未免有情須自



間關入夢怯塵侵。倦羽幽棲返碧林。去國一身寒雁影。違山十

里。蟪蛄吟相思。萼菜西風約不負。薰葭白露心未免。有情須自  
遣草堂睡足晚烟深。

述哀

先大母將期未  
殯時有小警

淚濕楓痕落葉鮮。報劉有意竟何年。一杯未掩行周歷。萬里長  
征詎獨賢。燧火不驚泉下夢。寒雲徒倚望中天。兩親已逝悲重  
死。腸斷椒漿列几筵。

九日步何孝廉石民韻

醉鄉深處酒爲家。坐奉霜莖老歲華。種菊平分田半畝。尋香欲  
繞路三叉。披襟野外形猶木。落帽風前鬢不花。吟癖經年殊未  
減。催租人擾興偏嘉。

鏡舫和韻

外王父崧岳孫公別墅距城東南三里許背山  
面湖題咏甚多家寅揆詩尤雅因和其韻

醉中詩句畫中山。載酒花間更枕閒。蟾影三秋澄水鏡。龍湖雙  
島媚烟鬟。疎桐夜足金莖飲。叢竹春聯玉笋班。半載長安勞夢  
想。一窗風雨滌塵顏。

隔院青山隱佛頭。娟娟疎竹不全修。碧雲遠樹風生榻。短笛清  
簫月滿樓。構草窗前凌謝鮑。探花徑裏識羊求。蔚然深秀皆名  
境。倚杖須連十日游。

芳草晴川鸚鵡洲。楚天遙擬得神游。畫中染翰畱山色。樹裏呼  
琴聽水流。茅屋烟深棲鶴地。篷窗雲冷載鴻舟。機心削盡多存  
拙。滄海茫茫起白鷗。

花底清香雲底陰。蓬門休許翠華臨。舟橫秋水盈三尺。岫落青  
天起百尋。浮白風前新得句。亂紅堆裏坐披襟。一聲清磬疎簾

月。莫遣幽人識有心。

天起百尋浮白風前新得句。亂紅堆裏坐披襟。一聲清磬疎簾。

月莫遣幽人識有心。

九日小水城步寅揆韻

一聲長嘯水雲孤。白酒黃花問有無。九日舟中人索賦。三山海  
上客成圖。雁傳霜信高低影。曠抹烟鬟大小姑。繫艇洲前秋氣  
爽。心魂自擬濯冰壺。鄱陽大姑山小姑山比大小水城

始登補陀巖

不省清溪路若何。遙看遠樹識崇阿。披雲徑裏勞孫竹。拾級花  
前避女蘿。南海扁舟誰可到。北山小屐與同過。行年漫記逾三  
十。始得今年認補陀。補陀落伽山在南海

壬辰除夕

去歲在新鄉縣

舊鄉何處憶新鄉。得句重牽旅夢長。歲歲紅塵消馬足。年年白

酒對魚腸英雄本事心曾熱兒女深情話獨詳  
又是名韉懷帝里家園生計恐成荒

楊孝廉仲承先生西山別業招飲

撥盡繁花始得門遙看遠岫一憑軒  
立都觀裏探玄草綠野堂前飲綠尊  
小有寒香凝午夢時迎爽氣續春溫  
莫云選勝依城郭已覺囂塵靜不喧

又和韻二首

躬耕豈合訪南陽不遣徵書到草堂  
青眼客看逢校尉素心人許共柴桑  
花中寫賦經重廢竹裏行尊得久藏  
爛醉不知橫樹影娟娟新月隱迴廊

西來朝爽濕琴書在笏看山畫不如  
翠竹幾番春雨後桃花一

帶晚霞餘兼宜草樹兼宜水半可樵耕  
半可漁千載流風誰得

西來朝爽濕琴書。在笏看山畫不如。翠竹幾番春雨後。桃花一

帶晚霞餘。兼宜草樹兼宜水。半可樵耕半可漁。千載流風誰得  
似。建安七子獲同居。元昌有建安句

耕樂園

步步輕雲入遠村。看花盡日几常溫。清思夢繞烟霞國。春宴人  
酣桃李園。流水聲中喧白晝。燒痕影裏失黃昏。竹林把臂經重  
集。共領媽紅酒一尊。

乾陽洞

何處丹砂訪葛洪。仙人屋宇自臨空。乍聞積蘚行山溜。大有繁  
花掩竹叢。磈磊石穿連帝武。山有人跡石穹窿。竅啟役神工。相  
時爲友祈子期舊隱還初服。采采商於白髮翁。

壽族祖丕孺八十二歲五代同時

載酒花前孫復孫卜居人住老人村高會矩獲雷三古伯仲壘  
箎集一門書忍堂中存舊牒舞斑庭下識春温熊飛夢裏磻溪  
水翹首車輪 聖主恩

楊傑記龍塘周氏五代一時子養其父而逮養其祖之祖父  
鞠其子而及鞠其孫之孫蜀青坡山老人村人多壽多五  
代同  
時者

異龍湖小泛

醉取東坡藥玉船重來載酒白雲天春當萬紫千紅處人在三  
山二水前裊裊落花飄暮雨蒼蒼遠樹亂炊烟公車已負家園  
約渴想湖光又一年

夏日追步先曾大父韻

半天疎雨落高岑一枕羲皇夢欲沉湖擁菱花開水鏡壑流松

響靜風琴飲當無算思河朔機可相忘托漢陰底事名韉頻戀

半天疎雨落高岑一枕羲皇夢欲沉湖擁菱花開水鏡壑流松

響靜風琴飲當無算思河朔機可相忘托漢陰底事名韉頻戀  
我家園空有白雲心

元夕建醮時小寇方平

乙火傳燈事有無元夕放燈以漢時祀太乙始銀花此夜燦皇都虹橋漫舞

霓裳曲蟾影高懸明月珠戊巳屯消烽燧冷庚申人守篆烟孤

踏歌士女懽無極記取昇平舊酒鑪

玉涵秘典上尸彭琚小名阿呵中尸彭瓊小名作子下尸彭  
命故道家遇是夕輒不睡臥時左  
手撫心呼三尸名令不敢為害

香石齋集三卷



三













